


四十一



思陵錄下

周益文忠公集一百七十



起戊申三月丁酉  
盡己酉二月壬戌

淳熙十五年戊申

三月丁酉朔兩延和殿坐呈學士院申明報謝國書紹興三十年例以錦拓匣用紅封裏上曰合依去年告哀國書例並以黃蕭燧申昨充按行使將來合往攢宮審驗神標緣除叅政合與不合前去或止令吳回掌管將來一就結局有旨令吳回掌管一就結局從駕過德壽宮臨慰如儀已亥晴早百官請太上尊謚於南郊積雨驟霽人皆歎異

辛丑晴國忌行香畢先詣德壽宮進名奉慰太后次詣西  
上閤門進名奉慰皇帝及皇后以太上謚號勅下也次入  
東華門至倚柱奏事呈禮部太常寺申將來發引差攝太  
傅導梓宮合就委摠護使及攝侍中少傅少保等子奏餘  
官皆已擬定惟太傅續呈既退上遣內侍持批旨云大行  
太上皇帝靈駕發引依紹興二十九年顯仁皇后例免引  
棧與十五平  
壬寅兩早常服吉帶至祥曦殿憲節皇后冊寶自內中出  
騎從至太廟門下馬至南神門外帷次奉安訖就廟中宿

齋

癸卯陰早以地濕祭服詣殿廊立班文武百官皆集從冊  
寶入南神門至殿西階下俟奉神主出柩堂再拜王相攝  
太傅升殿逐室上香奠幣酌酒讀祝文訖回至冊匣予攝  
笏奉冊以授之留參讀冊於殿上意若告祖宗者讀畢復  
授寶如授冊之儀黃樞讀寶於殿上訖各復位贊再拜奉  
神主入柩室瘞幣訖復換常服吉帶從冊寶出廟門騎從  
至德壽宮換黑帶入以冊寶告于太上皇帝靈生前如太  
廟之儀從冊寶歸太廟權奉安訖歸家

甲辰晴延和奏事蕭參謝充攢宮禮儀使且云已具畫一  
進入上小語云尚未定耳少待或改差宰相如何予奏去年十月臣在德壽宮固  
嘗言當置五使而禮官堅執紹興二十九并顯仁例殊不  
知事体當有別臣適避嫌不敢力争今陛下既用七月之  
制又行三年之服豈可無執政官至陵下前日所以綿絕  
之差蕭燧充禮儀使蓋此事舊用從官今以兩府足見增  
重之意又序位適在伯圭之下於總護使自不相妨兼元  
祐二年迎奉神宗聖像往裕陵亦差中書侍郎呂大防為

禮儀使即今參政也蓋不敢無所據云上曰事体不輕甚  
善上宣諭紹興府前月二十九日大雷明日兩雷甚損麥  
苗獨攢宮相近無之呈激賞庫申昨紹興二十九年有支  
送總護使已下常禮今未有錢糧上曰幾何予奏已具在  
此約錢八千緡二百兩頃年激賞庫有餘今非昔比上曰  
即今封樁庫此自合支乃令左帑支萬緡及銀二百兩次  
補闕薛叔似對兩疏一論政事一乞詣太后還大內次詣  
祥曦殿下立班聖神文武憲孝皇帝冊寶自內出再拜訖  
詣德壽宮奉安于宮門外幄次赴都堂宿齋以近例論之

合於德壽宮前宿齋亦惟更言是從耳  
乙巳絕早常服黑帶詣德壽宮門外幄次後從冊寶寘殿  
階下退再進班再拜左相升殿上香奠茶訖下殿予以  
冊寶授之留參升殿讀冊次授寶如冊黃樞升殿讀寶禮  
畢進名慰太后次赴太廟換吉帶就別廟奉上懿節皇后  
改謚憲節如太上冊寶之儀次換黑帶詣文德殿門外為  
奉上太上謚冊寶畢奉慰皇帝皇后並進名再拜帝后兩  
冊寶左相當上太上者予當上憲節者樞參亦各一讀冊  
寶而太常不敢明言堂吏又復觀望既左相並任其事冊

在寶先但字數多爾初謂以此相優令予讀寶予以嫌不  
敢辨但用紹興二十九年顯仁例陳康伯為右相以冊寶  
授左相而令樞參讀冊寶吏又以黃樞衰疲憚煩遂令讀  
寶云內侍都知劉慶祖傳旨賜奉上冊寶銀絹二相各三  
百疋兩樞參各二百四十疋兩同入奏辭免聞禮官及行  
事官支賜有差  
丙午旬休內批辭銀絹奏云不許辭免可特收受  
丁未延和殿坐起居畢三省密院辭絹上再三不許曰典  
禮至重其數不多不必固辭進呈全道三年永熙陵典故

四月差越王元份等五使是年九月十四日差宰臣呂端攝太傅持節前導靈駕并奠謚冊寶監鎖玄宮是時一相尚且親往只如紹興元年昭慈聖獻皇后在會稽倉卒間猶命同知政事張守監掩攢宮蓋是時范宗尹獨相又毋后事体不同今者有司不知典故凡事只用顯仁誤例初八日因聖問臣方敢具出上曰若無典故猶當義起况典故甚明乎初予連日語左相今君鹵莽後必噬臍左深以為疑五更漏舍再示以典故怫然曰須是兩相都往又密語畝參云云畝遂云左相疑逼其去則不可復歸不如已

之予曰然則某當自請去留曰如此方可既進呈予亟奏臣請去上從之且曰別立使名如何予奏使名却小且礙總護只依此的例為是王相見議立然後云陛下屬臣亦可上曰不須是日內引洪邁上諭以山陵事重已令宰臣一人去初欲立使名恐礙總護乃有攝太傅故事邁贊聖德又進劄子乞條具脩實錄又奏頃蒙宣諭太上皇帝宜以文武臣各二人配享文臣無如呂頤浩趙鼎武臣當用張俊韓世忠乞令侍從議並批依奏上又曰鼎有社稷之功邁以諸韓在此致力書韓世忠於張俊之上皆云太師

其實世忠乃贈爾從駕過德壽宮即面有台州進士宗女  
夫余宋臣縞素在望仙橋東欲攔駕投進二黃冊文字為  
街司所驅駕過叫呼不已臨安府為繳進乃萬世如見集  
其前太上慶壽歌頌其後乃追思上仙之辭刻板模印教  
千本有旨令臨安毀板押出界以不蘇大對州車直實  
戊申國忌行香由長安縣山德車直實

已酉不坐入局內引總護使伯圭又引報謝使副京鐘劉  
錦仁朝辭其書曰此沐慈仁遠馳華使愍念凶哀之故特  
形祭唁之儀雖已飭於報函顧未殫於感緒亟頌謝禮游

達英聰不腆幣將併伸贖布鐘奏齋禮物當與告哀使同  
緣其間遺畜使却用泛使例恐今減半彼以為疑上沉吟  
良久曰莫適中否又云以卿向來館伴凋儻故加選用蓋  
諫議謝諤有疏乞量增上不以為然故聖語如此

辛亥早國忌行香倚桂閣下奏事呈謝諤乞量添報謝使  
禮物上曰昨京鐘亦來說用正旦例已得中諤自不知遂  
進呈訖又呈戶部奏今年權免會慶聖節進奉總計左藏  
庫銀十三萬二千八十兩五錢二分五釐絹三萬七千四  
百匹金三百兩折銀錢三萬六百二十八貫三百六十二

文內藏庫銀五千九百五十九兩折銀絹四千九百八十四貫三百七十五文上曰明年又須此數予奏此盛德事陛下必不惜上曰將來衣絹莫不妨闕否予奏戶部紐作四貫一匹價已不低有錢甚易買上許之退批以金銀對支予呈劄子被差前導太上靈駕止闕借奉使一印并帶堂吏五人諸色使令五十餘人並不申請借請批支之類免覲恩賞但令激賞庫使臣量帶宦會前去恐合搞設人匠上曰須行搞設仍務從優蓋宰臣親往大小大体面內侍省都知語行首司云近日冊寶銀絹既未見齎闕子來

請已得旨少間一面降賜支食餘錢二十千酒四瓶短表謝內侍傳旨付下洪邁所擬指揮其略云攢宮大事如官吏指望赦恩故不整肅及受財擾良民理宜戒飭乞給黃榜御批須與不須降指揮予與王相回奏不須是日文思院發方相氏龍輜殿大昇輦等赴德壽宮四遠來觀者填塞街衢或云朝天門外曾踏殺人上世是時上壽壬子微雨陰早延和殿起居訖從駕過德壽宮辰時八刻太上皇帝啓攢還殿群臣服初喪服哭臨奉慰如儀車駕留宮中三衛巡警如去冬而不置太內及行宮使



癸丑微雨而陰穀雨節故也晚而霽禮官先請群臣非侍  
從及報事者來日並免立班先詣城外伺候奉辭太上靈  
駕蓋略倣在京乾元門立班故事爾侍從集議高廟配享  
四人宜如明詔批依初洪邁當太上升退即鈎致上語退  
即宣言于外十一日既得依奏之筆省中行文書前兩日  
方徧至侍從處邁又草其議衆人簽名而已衆論頗洶洶  
又聞章森上書乞用張浚岳飛楊万里乞用浚不報餘黃  
甲寅三鼓皇太后行禮奉辭故事當詣城外以太后年高  
不可出故也上行啓奠禮其禮奠幣三祭酒讀祝文陪位

哭如儀有頃攝侍中宇文价奏請靈駕進發輦官力士捧  
擎梓宮稍前又奏請少駐有司設牲牢禮饌于床陪位哭  
如啓奠之儀侍中奏請進發輦官力士升捧擎梓宮子攝  
太傅持節前導梓宮進行太常少卿師執筓者分左右障  
梓宮皇帝及太子總護使伯圭皇親南班官並舉哭從至  
德壽殿侍中奏請梓宮升龍輜將作監常璞率輦官力士  
捧擎梓宮登龍輜其下有輪故曰車挽士奉引予持節導  
至德壽宮門外侍中奏請靈駕權駐遂去天盤升大昇輦  
其制下為底而蓋以殿宇四柱皆旋安挿夾以青障左刻

刻青龍右刻白虎前後各有朱扉前掛黃綠簾上垂朱雀  
後為龜蛇以象玄武既畢皇帝行遣奠禮牲牢禮饌如祖  
奠陪位哭如儀攝中書令陳居仁讀哀冊皇帝舉哭訖權  
歸素幄閣門吏引予與總護使及諸使宗室等朝辭再拜  
吏喝好去大昇輦進發皇帝出幄執絲繩內侍割繩訖持  
卽騎導大昇輦凶仗儀衛等進行挽卽沿路歌挽章自皇  
后太子及妃嬪宰執侍從三衛在外諸軍次第排祭月色  
清明觀者四遠而至皇太子送於新開門內文武百官奉  
辭於門外遂登舟潮水既應波伏不興黎明離岸卽達西

興真有相之道也梓宮既入港頓不留乃乘馮僅二三里  
登舟又十二里至蕭山縣覺苑寺宿頓晡臨如儀帥張杓  
漕趙不流提刑延璽提舉常平田渭皆來凡梓宮前船一  
百八隻後舡一百四隻

己卯晴朝臨訖行三十五里至白鶴橋食頓又十五里至

錢清北閘尚早先次晡臨訖留俟潮應錢清江者東自三

口來

三江口之浦也分三道左由斗門入曹娥江中為錢清江右入錢塘江

西過諸暨約三

百餘里閘十餘丈運河午貫其中高于江水文餘故南北  
皆築堰止水別設浮橋度行旅大舟例剝載小舟則拖堰

而過往歲祐陵之役南北為閘俟潮水與運河適平乃啓閘橫絕至是雖強為閘而沙泥易壞運副趙不流初議盤剝無何頓遽使洪邁前奏恐內等人登車暴露但當減節閑慢之舟上徑批紹興帥張杓深憂梓宮涉橋危雖頗折居民陰為之備終不敢任責主是潮水平慢日暮猶低四尺漕迂延不敢開閘杓窘甚杓密餌御舟篙稍乃以為可過漕令責狀舟人笑曰踈脫立死何以狀為於是與主管官內侍都知劉慶祖等議止放梓宮船閘開水勢奔注久之方稍緩兩岸以索牽制令水手扶輿而過將達南岸而

而大昇舉不受約束相繼而往微觸御舟賴篙稍善其事遂得入閘舉舟不能入橫于南岸冊寶又往流江湍急舟人力不加直衝其腰脊幸舉不損爾既而慶主亦乘江水滋急復衝冊寶腰脊勢尤可畏不流頓足垂涕幾欲赴水予約肅參及宇文步導梓宮舟至錢清鎮宿頓冊寶幸無它惟腰昇脚并竿杖各損其一乃招帥漕令語劉慶祖具奏慶祖等初不知其詳欲未殺其事予不可竟以奏夜宿

薛氏店

丙辰晴朝臨訖行二十里食頓河橋又二十里入紹興府

宿頓光相寺晡臨訖泊舟石寺丞門臨安今日五鼓浙江  
綉浦橋火約焚拆二百家正梓宮登舟處祕書少監楊万  
里上書論洪邁議配享張浚黜為私為欺為專具條浚大  
功五

丁巳晴朝臨訖導梓宮出都泗門五里食頓會稽縣慰司  
二十五里至羅家新步晡臨焉鑑湖彌漫今此為田凡收  
米八萬石每畝三斗可知廣狹矣都泗之義人皆不能言  
或云南史和尚之二代孫胤居東山送太守衡陽王元簡  
至都賜棗或訛賜為泗耳治平方相高五丈用八百人曳之乃能動

今總二文餘過城門稍低張杓賂合千人遂俯而過聞京師作三截旋安聞未嘗拆門也

戊午陰早梓宮捨舍舟升龍輜又自輜登大昇輦夾道羅  
禁衛鼓吹繖扇挽歌予騎導行六七里將至永思陵復降  
輦登輜至上宮櫺星門外力士捧擎以入奉安訖而兩作  
上宮者為獻殿三門六楹中間闊一丈六尺兩間各一丈  
二尺其深三丈後為龜頭三間中間亦闊一丈六尺兩間  
各五尺其深二丈四尺皇堂在焉初開穴南北長三丈七  
尺六寸東西濶三丈二尺深九尺四圍用白石膠土五層  
以石周砌為石藏長一丈六尺二寸濶一丈六寸所用楫

長一丈二尺三寸高七尺一寸濶五尺五寸納梓宮于中  
覆以天盤囊網乃用青石為壓欄次鋪承重柏木枋二十  
餘條次鋪白氈二重次鋪竹籬然後用青石條掩攢訖上  
用香土二寸客土六寸然後以方磚砌地其實土不及尺  
耳下宮之制殿門三間四椽每間濶一丈四尺深二丈前  
後殿各三間六椽其深三丈每間濶一丈四尺東西兩廊  
一十八間四椽其深一丈六尺每濶一丈一尺殿門東西  
皆有枋屋一間六椽各濶一丈六尺其深三丈又有櫺星  
門神遊亭換衣廳予與肅參及宇文尚書洪內翰皆館于

泰寧寺去攢宮約三里按熙寧三年六月郡中人屯田即  
中通判湖州褚瑄記文云周顯德中廢隍城院而置化城  
院本朝天禧二年僧用歡始廣其居治平二年勅改證道  
今為泰寧乃左丞陸佃家功德院既為攢宮陸氏既亦徒  
其墳別賜僧廬而俾崇奉攢宮香火歲度一僧四山環合  
近歲依山為閣頗高崇議者多謂此有山陵氣象或云僧  
徒賂太史苟而免寺有資政殿大學士知越州趙抃贈山  
主絕句云不用湖山半日程化城非是圍婆城無情說法  
人聞否風裏松篁管送迎亦熙寧丁巳三月十日也住持

僧法慈監寺法昇相訪晡臨如儀晚得報是日延和奏事  
右拾遺許及之對一乞車駕將來就候廟門迎虞主上不  
以為然一論祔廟後當新政事但預言在卿不失為良臣  
朕亦死過舉  
乙未朝晡臨隨行携激賞庫錢三千緡先以三百緡犒梓  
宮舡篙稍又以一千五百緡送都大主管所令犒一行禁  
衛又以千緡犒修奉司人匠等權禮部郎官倪思奏太土  
掩攢以前除宰執內殿奏事外輪對引見班並乞權傳有  
旨依

聖神文武憲孝皇帝永思陵攢宮修奉使司  
據都壕寨官符思永申據修奉監修申契勘依奉聖旨指  
揮修奉永思陵攢宮今據諸作合干人都壕寨于慶等狀  
申開具造到上下宮殿宇門廊間架安卓等下項并于三  
月十二日一切畢工伏乞移文所屬交割施行候指揮右  
所據申到在前伏乞備申修奉使司取候指揮交割施行  
申候指揮本司尋牒都壕寨官更更切子細契勘如今來  
所具到數目別差漏即一面交割施行去後續據監修官  
入內內侍省殿頭楊榮顯等申並已交割付永思陵攢宮

司及守到本宮交割訖公文入案申乞照會  
一上宮

殿一坐三門六椽入深三丈心間潤一丈六尺兩次間各潤一丈二尺並龜頭一坐三間入深二丈四尺心間潤一丈六尺兩次間各潤五尺並四下昂柱頭骨朵子月梁椽頭連檐四椽月梁椽五寸二分五釐材徹脊明圓椽順板內龜角四八角扇子白板下簷平柱高一丈二尺柱置在內頭頂並係丹粉赤白裝造法紅油造柱木週迴樺風簷共一

百二十扇并构欄子一十七間並係凡紅刷油造及腔內出線小紋子共三十八扇係朱紅漆造黃紗糊飾安釘鑰石葉段事件頭頂鋪釘竹筩甌板瓦結尾行壠并安鷓鴣週迴山斜額道壁子並紅灰泥飾方磚鋪砌地面中城磚壘砌塔頭高三尺并週迴散水面南墁地白石壓欄石礎踏道角石角柱並引手构欄子望柱覆蓮柱頭獅子龜頭皇堂石藏子一坐裏明南北長一丈六尺二寸東西潤一丈六寸白石箱壁二重共厚四尺擬土石一重厚一尺深九尺上用青石壓欄一重厚八寸鋪承重柏木枋子二十

二條上鋪白氈二重安砌蓋條青石十條高一尺打築鋪  
砌磚土共厚一尺通深一丈二尺箱壁石用鐵古字并鉛  
錫澆灌

殿門一坐三間四椽入深二丈心間濶一丈六尺兩次間  
各濶一丈二尺四鋪下昂絞耍頭柱頭骨朵子分心柱四  
寸五分材月梁枋徹脊明圓椽順板扇子白板直廢造下  
簷平柱高一丈二尺柱置在內頭頂丹粉赤白裝造凡紅  
油造柱木硬門三合額頰地枋門開鐵鸞臺桶子黑油浮  
甌釘葉段門欽頭頂鋪釘竹笆甌板瓦結甍行壠安鷓鴣

週迴山斜額道壁落紅灰泥飾土坯壘砌兩山墻紅灰泥  
飾中城磚鋪砌地面壘砌堦頭高二尺五寸并砌散水白  
石壓欄石碇并前後踏道及安砌面南白石墁地土  
火窰子一坐作二三壘澁腰花坐頭頂顯柱頭蚪口跳骨  
朵子中城磚并條磚飛放簷槽小甌板瓦結甍行壠并三  
壁捲拳門子博窻裏用鐵索并丹粉赤白裝造  
殿門中城磚六瓣壘砌水鍋四坐并設坐水大桶二隻提  
水桶一十隻并洒子  
櫺星門南北共二坐柱頭上各安闕闔并各安門二扇肘



葉門欽桶子全并石門砧及凡紅油造柱木門戶外離門  
一坐安卓門二扇並凡紅刷油造柱木并門及兩壁扎縛  
打立實竹籬二十餘丈并立離健石紅灰牆週迴長六十  
三丈五尺上用杞色椽鋪釘竹笆甌桐板瓦結尾行壠凡  
紅刷造杞色椽紅灰泥飾圍牆下脚用銀鋌博壘砌隔減  
并中城博壘砌鵲臺三堵

裏離博壘砌中城博躑躅壘砌週迴長八十七丈上用甌

板瓦結尾行壠

東壁隔截博壘砌中城博躑躅壘砌長四十五丈山牆  
土地廟一坐并龜頭一間頭頂並係丹粉赤白裝造凡紅  
油造柱木等白灰泥飾壁落并仰塗中城博砌地面并塔  
頭中板瓦結尾行壠并面南西壁壘砌火窰子一坐土地  
神衆共七尊黑漆供床一張

巡鋪屋牆裏外共四間並白灰泥飾壁落中板瓦結尾凡  
紅刷油造柱木立精地袱并週迴簷槽并博砌水缸四坐  
條博砂塔東壁路道濶四丈長四十丈

一下宮

殿門一坐三間四椽入深二尺各間濶一丈四尺重斗口

躡身內單拱方直枋徹脊明圓椽順板扇子白板分心柱  
直廢造下簷平柱高一丈四寸柱置在內頭頂丹粉白赤  
裝造法紅油造柱木并軟硬門二合及頰額地枋門闌等  
并黃油浮甌釘及門鉸肘葉鴉臺桶子頭頂鋪釘竹笆甌  
板瓦結瓦行壠并鴟鴞及週迴額道山斜壁子並紅灰造  
作并土坯壘砌兩山墻紅灰泥飾中城磚鋪砌地面并塔  
頭高二尺并砌散水及白石安砌壓欄石碇并前後踏道  
火窰子一坐下作二三壘澁腰花坐頭頂顯柱頭斗口躡  
骨朵子中城磚并條磚飛放簷槽小甌瓦結瓦行壠三壁  
捲拳門子博窻裏用鐵索及用丹粉赤白裝造

前後殿二坐各三間六椽入深三丈各闊一丈四尺四鋪  
捲頭脰內絞單拱撐間心間前枋項柱兩山鞦韆柱徹脊  
明五寸二分五釐材圓椽順板扇子白板柱頭骨朵子直  
廢造下簷平柱高一丈一尺柱置在內頭頂並係丹粉赤  
白裝造法紅油造柱木並板壁二十四扇朱紅漆造出線  
小絞隔子四十扇黃紗糊飾安釘鑰石葉段事件并凡紅  
油造擬風簷八十扇并杓欄子八間頭頂鋪釘竹笆甌板  
瓦結瓦行壠并安鴟鴞方磚砌地面中城磚壘砌塔頭高

二丈五寸并打花側砌天井子踴路并兩壁路道及包砌  
水鋼四坐白石壓欄石碇并踏道二坐引手构欄子望柱  
覆蓮柱頭獅子  
殿門東西兩挾各一間四椽入深二丈間濶一丈六尺單  
斗直替方額混栱方椽硬簷下簷柱高八尺五寸柱置在  
內頭頂丹粉赤白裝造凡紅油造柱木黑油椽子二間頭  
頂鋪釘竹笆白灰仰塗中板瓦結尾週迴壁落白灰泥飾  
并土坯壘砌坯牆用白灰泥飾中城磚鋪砌地面并塔頭  
高一尺五寸白石壓欄石碇

東西兩廊一十八間四椽入深一丈六尺各間濶一丈一  
尺下簷單斗直替方額混栱方椽硬簷造頭頂丹粉赤白  
裝造凡紅油造柱木中城磚鋪砌地面并砌塔頭高一尺  
五寸頭頂鋪釘竹笆白灰仰泥中板瓦結尾白石壓欄石  
碇東西兩下簷並係土牆三十六間白灰泥飾  
後殿東西兩挾各一間六椽入深三丈各間濶一丈六尺  
方混栱方椽硬簷造頭頂並係丹粉赤白裝造凡紅油造  
柱木中城磚鋪砌地面土坯壘砌坯牆白灰泥飾頭頂鋪  
釘竹笆白灰仰塗白石壓欄石碇及中城磚砌塔頭高一

尺五寸頭頂鋪釘并案卓朱紅隔子八扇黃紗糊造鑰石  
乘事件

樞星門一坐柱頭上安闕闕并安卓門二扇並係凡紅刷  
油造及釘造肘葉門欵鴉臺桶子并石門砧

外離門一坐安卓門二扇並凡紅刷油造及安白石門砧  
綽樸門一坐安卓竹門二扇並凡紅油造

神厨五間四椽入深二丈各間濶一丈一尺單斗直替方  
額混欂方椽硬簷心間安釘平暗椽板一間頭頂丹粉赤

白裝造凡紅油造柱木直樞窗白灰泥飾壁落中板瓦結  
厩并壘砌鍋竈五事爐二隻白石壓欄石碇

神厨過廊三間并奉使房二間及香火房二間頭頂並丹  
粉赤白裝造凡紅油造柱木黑油直樞窗頭頂鋪釘竹笆

仰塗中瓦板結瓦行隴白灰泥飾週迴壁落中城磚砌地  
面白石壓欄石碇內香火房壘砌火窰子一坐

潛火屋并庫屋四間頭頂簷槽丹粉赤白裝造中板瓦結  
瓦行隴白灰泥飾壁落凡紅油造柱木門戶黑油直樞窗

中城磚壘砌階頭  
換衣廳三間頭頂中板瓦結瓦鋪釘竹笆白灰仰塗并週

廼壁落凡紅油柱木黑油直櫺窗隔子丹粉赤白裝造頭  
頂中城磚鋪砌地面并壘砌階頭白石壓欄石礎前後踏  
道  
鋪屋圍牆裏外五間頭頂中瓦板結瓦白灰壁落凡紅刷  
造週迴簷槽及凡紅油造柱木立精地袱中城磚壘砌階  
頭磚砌水鋼五坐  
廟子一坐并龜頭一間頭頂中板瓦結瓦行壘頭頂丹粉  
赤白裝造凡紅油造柱木白灰泥壁落中城磚砌地面并  
階頭及踏道土地神衆共七尊黑漆供床一張

神遊亭一坐頭頂甍瓦結瓦行壘三面坐嵌構欄子週迴  
擗簾杆掛簷並凡紅油造頭頂丹粉赤白裝飾方磚砌地  
面中城磚壘砌階頭并踏道一坐及安白石基臺一副并  
面南壘砌花臺一坐長丈八尺濶一丈五尺上安白石壓  
欄係白石望柱上櫺黑油方木櫺子十五丈

過道門四門頭頂中板瓦結瓦白灰仰塗并壁落丹粉赤  
白粧造凡紅油柱木  
週迴白灰圍牆長一百三丈六尺上用枋笆椽鋪釘竹笆  
中板瓦結瓦行壘凡紅刷造枋笆椽白灰泥飾

一上下宮東壁北縛打立竹實笆籬七十餘丈西壁展套  
茨籬一百餘丈

一上下宮諸處白石板安砌路道長一百八十餘丈

一上下宮東西兩壁各打實竹籬長二十九丈六尺并竹

門二坐

右件如前謹具申

尚書省伏乞

照會謹狀

淳熙十五年三月朔日復正大夫昭慶軍承宣使入內

內侍省副都知攢宮修奉鈐轄

副都指揮使攢宮修奉都護郭

降授右武大夫榮州刺史殿前

副都指揮使攢宮修奉都護郭

聖神文武憲孝皇帝永思陵攢宮修奉使司承按行使司

牒勘會本司於今月十九日將帶太史局判局尅擇官詣

攢宮按視得聖神文武憲孝皇帝攢宮涇域神穴並神圍

四正並依得元按標劄地段除已奏聞外請照會施行本

司尋牒都壕寨官照應故例施行去後今據都壕官符思

永申本司尋牒監修官施行去後據回申據都壕寨于慶  
等狀已將神穴心椿末土起拆訖又用底板石補砌了當  
今來所修永思陵皇堂四壁箱壁石各係二重共濶四尺  
膠土各濶四尺四寸擗土石一重係各厚一尺通共元開  
南北長三丈七尺六寸東西濶三丈二尺用石板安砌打  
築圓備其皇堂裏明深九尺長一丈六尺二寸濶一丈六  
尺椽長一丈二尺二寸高七尺一寸濶五尺五寸將來四  
壁若下神煞并椽底及進梓宮次進椽身并安設天盤囊  
綱委得並無方礙本司保明是實申乞照會續又據都壕

寨官符思永申備據監修官申尋勅合千人揚椿寺開具  
到皇堂丈尺并石段柏木枋等數目下項申乞照會  
一皇堂開通長三丈七尺六寸通濶三丈二尺深九尺係  
裏明用擗土石五層週迴用一百六十段雙頭石各長四  
尺濶二尺厚一尺壘砌  
一底板石三十段內六段各長一丈一尺濶三尺二寸二  
十四段各長四尺濶二尺五寸厚八寸  
一石藏裏明長一丈六尺二寸濶一丈六寸深九尺係層  
雙頭石各長四尺濶二尺厚一尺用三百二十四段壘砌

并神穴心塚已補砌了當用過石一段

一青石子口一十四段石藏上壓攔使用各濶一尺九寸

五分厚八寸長短不等

一青蓋條用一十條各長一丈五尺濶二尺厚一尺

一承重柏木枋二十二條濶挾不等折卷濶一丈六尺二

寸長一丈二尺二寸厚八寸青石蓋條承重柏木枋並已

安範閱試了當

一氈條鋪兩重長一丈六尺濶一丈二尺用八六白氈四

領四六白氈八領兩重共約厚二寸

一掩攢訖皇堂上用香土三寸於香土上用客土六寸鋪

襯訖用方磚鋪砌地面

右謹具申

尚書省伏乞

照會謹狀

淳熙十五年三月

庚申朝晴臨連日雨作益知在涂晴霽為有神助也

辛酉晴朝晴臨右拾遺許及之密報洪邁以臺諫款祔廟

後論列配享事邁亟入奏引揚万里之言乞去新知泰州



蘇北新知台州司馬僖前知潯州劉敏文主管明道宮呂  
大麟並自城中相訪皆寄居也

壬戌兩朝晡臨

癸亥晴朝晡臨會稽知縣葉禹尉秦勳相訪云內人每頓  
破羊肉四百斤泛索尤難應副如用雞動要數十斤其實  
德壽宮惟張淑妃及內人一二十人大內內人皇后殿十  
人耳是日聞車駕詣皇太后殿起居即回沿路起居如常  
甲子晴朝晡臨聞土人是日皆發慮初恐其雨則夏旱也  
賜洪邁不允詔到聞再入文字治平齋記昌王東平郡王

號國公皆以茶藥酒果遺五使今惟總護使送酒三百小  
尊此同蕭參以六十千并思堂春十掇遺之又十千十掇  
遺宇文尚書洪內翰餘職事官及修奉都護鈐轄都大主  
管中貴人各遺以思堂春十尊或八尊其餘諸使屬官幾  
百輩皆不及如恩平郡王平陽郡王嗣濮王士欽開府士  
峴亦不曾通問曾仲躬侍郎陳叔進舍人皆自城中來相  
訪

乙丑晴朝晡臨是日埋重於野焚凶器於田得報遺留禮  
信使顏師魯高震以此月二十四日回至盱台初師魯等

正月二十五日過界二月七日過黃河衛州已為水所衝  
腰頓改就慕化村王三郎家二十一日至燕京燕賓館宴  
畢入來寧館蓋汎使之館也二十三日朝見二十七日朝  
辭當日館伴以公牒却遺留內玉器玻璃刀劍二十八日  
離燕京路中設宴免聽樂簪花如吉哀副云  
丙寅早微雨有司於梓宮前陳設牙床祭器禮饌行事及  
陪位官皆序哭總護使上香奠幣三祭酒止哭大讀祝文  
復舉哭訖退卯時八刻侍中奏請靈駕赴攢宮內人先辭  
而出有司捧遷梓宮赴皇堂排柏木枋留其中兩條太史  
贊中官奏請聖神武文憲孝皇帝神靈上神帛神靈上虞  
主神帛載道送車先登舟然後盡鋪兩枋加白氈竹簟石  
條攝太傅及監察御史並監視次以差盛香土攝少保執  
錘就颺者九所謂復土九錘如此其詳見載其詳見載  
及尺蓋一依昭慈聖獻及永祐陵制度也太常卿行掩攢  
宮享禮並如遷奠之儀但不用陪位官次同衆官易常服  
吉帶赴昭慈聖獻永祐顯肅顯仁憲即攢殿各兩拜而退  
陵域相望地勢殊迫次易黑帶就泰寧寺望闕拜表慰  
皇帝并發皇太后及皇后慰成二通次復總護禮儀橋道

頓遞使詣永思陵攢宮陪位行一虞祭初止用太常卿行  
禮予閱司馬溫公治平齋記載厚陵時用部庫員外郎宗  
正丞趙誨主祭以謂當時至親則有昌王宗室尊行則有  
東平郡王允弼異姓貴臣則有韓琦而皆陪位於庭顧使  
一員外郎登降奠獻及有司循故事之誤因諭太常吏予  
與伯圭蕭燧字文价洪邁皆陪位以禮言之伯圭當行礼  
也溫公又記五使皆予未掩皇堂前朝諸陵又謁會聖宮  
觀御容塑像凡登臨之處皆往以日晚不及東過景雲寺  
為言今乃迫遽如此雖下宮亦不許至予非山陵使不欲  
有所便惟太常吏齊聞韶是聽也執事官同來者太府少  
卿常璩國子司業何澹檢詳院副丞察官吳博古并總護  
屬官度支郎趙善悉司農簿盧瑑皆先還行在惟尤表以  
太常留主虞祭

四月丁卯朔天祺節早雨赴思陵獻殿陪位行第二虞祭  
畢再拜辭陵舉哭訖又再拜而退虞主升腰輦冊寶禁衛  
寺皆行予與諸使騎導至新步登舟午晴至紹興府止于  
光相寺  
戊辰陰早赴虞主舟中行第三虞祭五人陪位如昨治平

齊記云永厚陵第一虞哭仁宗之虞不哭今亦不哭退少  
畝俟內人舡先去久之方行午時至錢清鎮泊于南閘諸  
暨宰翁子中來謁云每縣官吏萬三千緡排一頓渠節費  
頗有羨餘

已巳晴夜來趙漕與總護司議虞主等並利載今晨潮水  
大至可以渡江業已議定於是僧道等先隨神帛逍遙子  
過浮橋張淑妃已下從焉次禁衛迎虞主承總護前導予  
與蕭宇文洪四人立馬以待同導登舟中陪位行第四虞  
祭遂行午時泊蕭山縣

庚午晴早就舟中陪位行第五虞祭以禁渡角邑中圖經  
云邑本吳王闔閭弟夫槩之邑漢號餘暨吳大帝改曰永  
興唐天寶元年改蕭山蓋縣西一里有蕭山滲水所出東

入海

見漢書地理志

賀知章吳融皆邑人也暮雷雨已而星出捨

舟肩輿十二里宿西興鎮驛舍中終夜大風異常五更微  
雨明堂大禮以月十日降御札處分楊方里除直龍圖閣  
江東運副填見闕坐上書及供邁議配享事也  
辛未早登渡舡西北風猶未甚止張師趙漕皆不敢任責  
令監渡供狀而劉慶祖謂內人船已過力欲出閘往反數

四方令梢工供狀而行中流蕩閃辰未達江下風止而晴  
寓施氏民居閭表內侍梁彬傳宣撫問賜銀合黍稷

二百合

兩書送銀五十兩從人錢三十千又差內侍于忠信賜伯

圭及蕭燧間伯圭書送二十五兩其人大怒形于詞色治

平齋記溫公為五使賜銀合七十兩其人止十千近例乃

如此蕭參二合各八十兩內引遺畝禮信使副顏師魯高

震回書云頃達哀訃諒方切於孝思繼獲函書審夙承批

遺命飾行人而展好齋信幣以將誠感愴良深敷宣罔既

物錄先列不受之物萬壽王尊等并刀劍及玻璃二十事

其後云依數發還元螺鈿合亦隨其物次列所受并合而

云右如數收受已具前書敘謝不云惠賜亦知體也薛叔

似入文字論揚万里不當去遂收回江東之命降不允指

揮聞叔似疏漢武不冠不見汲黯而侍司馬遷不過取文

史以下祝倡優蓄之蓋以黷此万里而以遷此邁也

壬申晴早神帛及張淑妃先歸德壽宮過浙江亭行第六

虞祭畢百官來迎予同諸使前導虞主入城用儀鼓吹等

車駕先過德壽宮就宮門外奉迎至几筵殿皇太后及主

上次第行安神禮文武百僚進名奉慰予與蕭參並就閣

門放朝見安軒對文在百朝集...  
 癸酉歌泊假...  
 甲戌延和坐升殿予同蕭參先叙奉使言還兩拜又謝到  
 江下蒙差中使傳宣撫問賜銀合茶藥兩拜次與王相黃  
 樞留參謝前月冊寶銀絹兩拜前以逼行無朝殿未及謝  
 謂諸公已了乃知忘記遂同謝呈題虞主官紹興間徽宗  
 神主差翰林學士朱震顯仁皇后差端明殿學士張燾上  
 曰洪邁見乞去差宇文价呈洪邁不敢赴學士院供職上  
 曰楊万里謂侍從數人附其議其言太過况言浚之功而  
 不言其敗亦豈得謂之公子奏故事祔廟後方議配享今  
 神主尚未祔而遽及侑食者亦已太遽矣韓琦及忠彥皆  
 曾降詔徐徐未晚上一曰可收回否此兩人皆除職與郡如  
 何予曰如此亦平同王相辭銀絹初三月十七日在德壽  
 宮前主管支費送目一道上曰朕亮卿等之誠已而入奏  
 遂批特依駕過德壽宮凡筵殿行第七虞祭...  
 乙亥不坐入局批出洪邁楊万里並求補外可與郡而無  
 職名...  
 丁丑延和起居畢奏事同王相蕭參謝許辭免支賜上曰

勉從卿等所請呈吳博古察趙不流上曰無之事足矣聞  
張杓曾舉博古豈有謂耶降一官如何予曰若行此疏則  
不流幾誤梓宮大事又謂不識字書判皆籍吏則不當為  
畿漕矣止降一官乃進呈訖太常寺申孟夏朝獻上曰既  
有下旬可依所申宰執分詣駕過德壽宮几筵行第八虞  
祭內批付三省樞密院朕祈請皇太后還內者數四未蒙  
俞允今早復伸懇切之請恭奉皇太后聖旨先帝享天下  
之養優游二十餘年升遐此宮何忍遽然遷去今几筵又  
復奉安于此倘欲還內當俟終制百官宜敬悉皇太后聖

意

已卯延和奏事呈遺留禮信使副推恩具兩例呈上令依  
告哀使三節減四年磨勘予指使副薦掌儀兩人宣力為  
多乞特有以寵之上曰是國信所人乎予奏一是禮部人  
上曰不須呈禮官劄子祔廟畢恭請皇帝御殿所服衣冠  
上欲只用見今所服予奏乞畲此奏批出內引賀金國生  
辰使副胡晉臣鄭康孫國書曰誕彌紀月適當春序之和  
緘信將誠備展和儀之煥載形善頌益篤權盟惟喜詠以  
良深匪諭言之可究

庚辰國忌行香轉運司令承受奏每年糴糯米五千石內  
二千石御前酒庫三千石德壽宮酒庫內批德壽宮三千  
石更不供納遂申中書省照會

辛巳延和起居從駕過德壽宮行第九虞祭

癸未祔廟前三日不入局

甲申陰延和起居畢呈擬到思陵祔廟禮畢德音條目內  
獻地人潛曷等乞推恩上望見便記予前日之奏云令紹  
興府保明一名與助教又呈將來明堂臨安府申明差軍  
兵脩治道路守若車駕不出則明降指揮免更差人上曰  
舊例都不出從駕過德壽宮行卒哭祭不哭奉慰而已

己酉大雨都堂致齋來日高宗祔廟也諸司給諸官早晚  
食

丙戌驟晴駕過德壽宮奉辭虞主王相為禮儀使內侍押  
班楊皓主管用儀仗迎入太廟帷次皇太子文武百官相  
向立於太廟俟高宗神主及憲節皇后神主入門就行祔  
謁恩平郡王璩初獻嗣濮王士欽亞獻滎陽郡王伯圭終  
獻禮畢詣德壽宮進慰名奉慰皇太后次詣文德殿門外  
進名奉慰皇帝皇后內批付三省樞密院朕昨降指揮欲



縗經三年緣群臣屢請御殿易服故以布素視事內殿雖有侯過祔廟勉從所請之詔然稽諸禮典心實未安行之終制乃為近古宜体至意勿復有請

丁亥國忌行香歇泊假賜左相銀絹三百疋兩以昨日充禮儀使也顯仁祔廟例乃賜金器又題賜神主宇文价銀絹三十疋兩行事官劉國瑞亦然蓋只作侍從官一節次而已卿監已下行事者聞各得二十疋兩

戊子延和奏事呈臨安開樂依顯仁例合候百官純吉服上初疑未有期予奏且依舊例惟外路恐已開難再行下上曰然又奏昨奉內批勿請御殿易服仰見聖孝但衛環衛久不侍殿陞於理未安上曰過宮自煩不然令就內殿侍立亦可外庭已見詔旨否奏即皆見之謂宜令有司因此內批條具合行事件商量上曰甚好夜宣李獻鎖學士院草祔廟畢臨安紹興府德音

己丑文德殿聽宣德音紹興二十九年顯仁故事偶闕參政右相代押制左相及樞密皆不至昨晚予問行首司乃誤謂宰執皆往雖詰之無辭正謂當時偶是右相往遂聽之

庚寅延和奏事東宮先升殿致嗣再拜聞以祔廟後辭免  
恭決也予奏禮部闕宮莫差人權否上曰祔廟後尤衰當  
遷因問有何闕予奏適正說禮部上曰既有學問便當除  
用張体仁亦當遷王相云黃黼是太常丞亦當遷上曰卿  
等可擬來殿中侍御史冷世光對一論配享功臣不必再  
議批依奏

辛卯內門開批出尤衰權禮侍既至延和呈昨日蒙御批  
付下德壽宮推賞文字予奏前此雖蒙聖諭款分等第如  
高宗殿為第一等太后殿為第二等之類臣再思之太后  
萬壽無疆推恩未艾若與高宗殿併言之則似有礙莫若  
只推本殿應奉人恩數可免泛濫避忌上大以為然予問  
高宗殿名上曰只是德壽殿太后是康壽殿上初欲指揮  
中言高宗升祔予謂止是應奉人難當此名上曰止云德  
壽殿自分明矣呈太常寺申許士庶婚嫁上曰不作樂否  
予奏元降指揮已許祔廟後嫁娶近緣未開樂恐都城以  
百官未純吉服為疑故諭太常申明之其間云不用花綵  
禁樂可知上因言昨日諭冷世光洪邁雖是輕率楊万里  
未免浮躁二樞因極口稱昨日令罷再議配享甚當此四

人中外皆稱之其詞殊云云上因此不然万里指鹿為馬  
及侍從數人附其議之語予曰兩去之足矣予又奏憲節  
皇后祔高宗室有親姑慶國夫人年八十欲得加兩字如  
賢壽之類上曰與封兩國如皇太后姊妹皆曾封又歷舉  
數人予曰秦檜妻亦曾封况憲節之姑乎又親姪三人尚  
是白丁皆曾進狀未敢進呈姑令勘當今欲與補官上曰  
當如此固稱戚里如孟忠厚邢孝揚皆可重主相猶欲經  
由部中上曰不須

玉錦錡

甲午翰林司申今日面奉聖旨本司官吏供御人昨輪差  
赴德壽宮宿直日下並免宿直又密白睿思殿祗候吳思  
忠蘇大椿張誼並轉歸吏部依例免叅部在京宮觀免奉  
朝請其請給等並支李世良例支破特免借減就用舊曆  
批勘皆高宗御前人也

五月丙申朔

丁酉歌泊不坐入局晚批出令臨安府及轉運司辦木植  
材料準備蓋太皇宮其錢令戶部支上供者仍令計會脩

內司指引  
戊戌國忌行香午後御前封薛叔似宇文付王左相遂入  
奏乞罷政遷出江下

已亥延和坐是日御批王相奏劄云可除觀文殿大學士  
判衢州止於一押而已諫議大夫諤上殿三劄一乞用剛  
方之士上曰只一袁樞已着不得二乞詔諸路賑濟三乞  
放兩浙贓罰等錢

庚子端午節感風卧家火無梅雨兩日方得稍霑濡夜鎖  
院

辛丑後殿謝時服延和奏事文德殿宣麻王准除大觀文  
判衢州

壬寅早不坐午時倚柱奏事初都大主管所申審昇昇劉  
慶祖內侍合千人轉官第二等列堂更於其間予詰之吐  
其實云恐繳駁爾予語之云汝堂更而自附于內諸司之  
後不亦辱乎至是將上奏云堂更當俟諸司諸使推息一  
就取旨今乞貼去上曰止是禮工房乎予曰提點亦在焉  
况與總護司所差人吏又不相涉上乃令貼去予因奏伯  
圭用總護使吳益孟忠孝例合轉一官上曰少傳予又奏

肅遂充按行使用万俟离例亦合轉兩官緣舊例祔廟後一月方將上所以少待予奏今年會慶節不止虜中慶礼否上曰不須只依正旦可也

丁未延和奏事呈永思陵損宮共費八十二萬餘緡上曰內庫支銀絹尚在外去冬印會子七十萬僅可充此費又曰德壽宮諸色人俸給今已省十萬緡

己酉延和奏事趙汝愚奏謀報秦州人為太上皇帝表白紙中乞付史館上曰寧不感動德壽殿應奉人各轉一官資內王寔張宗尹並與轉左武大夫裴良琮特轉遙郡防

禦使符滌王公昌霍汝翼吳思忠並轉遙郡團練使盧安仁特與帶遙郡刺史吳因特轉武顯大夫鄺安仁特轉武略大夫合寄資人依舊寄資張延年孟居寔張師孟曹穎嚴浩梁祐張錡潘郵楊處厚劉彥並依條回授內有名目人更與添差占射一次白身人吏候有名目許作一官資收使指揮使李顯等七百四人令吏部折支銀絹其支破本宮請給等六十四人內吳安民李符各減二年磨勘餘人並犒設一次

庚戌駕不出皇后過德壽宮治具

壬子延和奏事呈太史擇御後殿日分  
上令用二十七日御批張杓召赴行在

丙辰延和奏事從駕過德壽宮以天申節也

庚申延和奏事呈禮官申請明堂畫一上曰配位如何予  
奏太祖太宗並配世儒因孝經嚴父之說便謂宗祀當以  
孝配殊不知周公雖攝政而主祭則成王自周公言之故  
曰嚴父耳晉紀瞻荅秀才策曰周制明堂所以宗其祖以  
配上帝故漢武汶上明堂捨文景而遠以高以高祖為配  
此其證也本朝名儒范鎮司馬光李泰伯呂誨等往往辨

學者講說之誤是以淳熙三年臣在翰苑草明堂赦云惟  
周成宗祀洛中陟配於文王惟漢武合祠汶上推嚴於高  
帝皆用親郊之禮具殫尊祖之誠蓋為是也若高宗服除  
之後以中興之功異時明堂却議配坐未晚止曰既有典  
故自無可疑

壬戌早雨初御後殿上服如舊御椅子不用朱紅而以黃  
其後照壁舊畫龍今以黃羅蒙之駕坐升班禁衛自贊不  
鳴鞭不聲長喏喝拜皆如駕出之儀而不全用常時御後  
殿之制也

六月丙寅朔

己巳後殿坐呈高宗攢宮應辨推恩於是知臨安府韓彥質轉一官浙東提刑延璽亦然予奏也是武功大夫上令於遙郡上轉予又奏彙翦等皆復元官張杓雖除正侍郎亦有前年未復兩官上笑曰是失火時耶又呈浙漕趙不流合進職上令進二等又奏紹興二十九年浙東提舉不預徽宗攢宮却有例上曰田渭曾濟乃與直祕閣總護司官吏推恩一百七十八人按使司二十六人吳回若用紹興二十九年例却緣衛茂實別項轉官所以按行使副不曾推恩乃用徽宗攢宮例轉兩官頓遞司二十八人洪邁亦轉一官脩奉司一百三十三人工部官吏四十一人臨安府官吏二十一人紹興府一百四十四人御史臺九人兩運副下四十二人三省諸房各減三年磨勘

癸酉後殿坐駕過德壽宮初賜從駕臣僚食如故

癸未後殿坐國史院脩九朝史亦悠悠今具款正名改作實錄院專脩高宗實錄却候書成別議國史於是脩國官並改實錄院稱呼又奏昨準御批因高宗服制款管指揮官軍知閣環衛御帶都統制許服繫金帶餘文武官隨其

官品上曰朕以繫帶者滿庭故欲稍整正之副都統如何  
予奏今諸軍有不除都統處副帥便是主者恐須與統制  
官有分別上曰此指揮行統制自不應繫衆人云副帥不  
多當不較此上曰更待與卿等徃復商量然後降旨予曰  
今廷臣莫未許古佩否若許繫須令禮官起請上曰不必  
禮官朕既未變服則却臣自難便吉帶也

甲申後殿坐呈尤衰乞衰高宗御集及立閣名予奏依典  
故只合令實錄院哀集昨日方定置實錄院今當直旨行  
又閣名須候旬日令兩制或禮官定上曰此非禮官事予  
曰合是學士舍人

丁亥上遣御藥黃邁來問欲用折上巾布袍乘平輦過宮  
無害否予奏此即冠帶既以御殿則乘輦自無妨蓋累日  
大暑道遙子熱故也從駕過宮即回

辛卯後殿坐呈張杓乞留攢宮剝錢五萬緡米數千石應  
副本府予奏王希呂卞到須令可以措畫上曰亦有脩造  
營屋等費乃許之又呈薦王義和黃由沈煥翁子中戴闥  
之上令籍記予奏由是狀元莫俟滿時先召上令俟滿內  
引金國報謝使副京鏜劉瑞仁其回書云頃聞凶訃想極



悲傷馳遣使車往為弔祭在叔姪情當如是於國家禮亦  
宜之復致函書備陳謝悃念方罹於夏暑異少節于哀悰  
鐘等初過界接伴使康元弼瑤里仲通將致汴鐘等云告  
哀遺畜使已不聽樂簪花今報謝乃是一事來時皇帝尚  
布素豈敢便從吉禮兩日間七次以幅紙往議并傳示二  
三十次弼等不許鐘等以死拒之知不可奪乃多畜汴京  
七日遣人走馬取旨得報許免遂赴宴而行既至燕京臨  
行館伴使副徐鐸徒單彪遣人略問橫使禮何為同常使  
鐘等答以但銜命而來不預茲事遂已上以是深嘉鐘連  
日議所以旌寵云

壬辰後殿生呈京鐘劉端仁奉使回轉官上令依例却待  
批超擢語說將命執禮及不屈之意予奏執禮則義在其  
中似難更說不屈上曰只作京鐘將命執禮可嘉今是何  
官可除侍從否衆人云係檢正舊例過從官者甚多尋批  
出京鐘云云可除權工部侍郎予云劉端仁如何上曰全  
是京鐘如端仁乃毛遂所謂公等因人成事者也留參云  
除閣門祗候之類亦可予奏不若環衛官其人物亦可取  
上曰是將家否予曰聞其父為兵官上乃令密院擬除畜

參又薦國信所掌儀能叱開甲軍攔截赴宴之人予曰是  
田愿留參乞與轉官上許之

七月乙未朔

己亥後殿坐兩呈禮部太常寺申將來高宗小祥禁屠宰  
予奏列聖故事并禁音樂緣今未臨安元未開樂想外路  
民間亦未用若依典故行下却恐放行已諭禮官換文字  
云除樂禁未開外合禁屠宰蓋去年十月禮官只依典故  
申禁樂日限畫旨並依今却暗衝前指揮爾上曰三年過  
密乃合古制

壬寅倚柱奏樂中官頗言曾得旨內引依舊用紫衫既而  
有云續已得旨且涼衫呈皇太后生辰令西上庫排辦銀  
三萬兩金五百兩宣諭京鐘執禮北方恐將來會慶節使  
却款茶酒之類宜令禮官預商量

癸卯後坐呈禮部申主事皇甫琮乞依紹興三十年推恩  
轉一官予奏契勘得當時依太常寺推恩今次偶不該載  
上曰有例即與又奏尤袤等議聖節人使禮數三兩日可  
申上曰禮官只討論禮文若謀謨予決則在卿等運籌帷  
幄之中

乙巳後殿坐文臣侍從武臣觀察使以上起居蓋用新制也

戊申不御後殿就延和奏事上宣諭蚤來竟腹痛畏冷至附大舊不如緣經憂患予奏更乞加意調攝上曰非不調攝人宣諭未日過宮天涼早間依舊奏事

己酉後殿坐先降指揮高宗室樂舞皆以大馬名至是呈學士院後省所定饗太廟酌獻款以大德為名裕饗太廟以大勳為名並從之從駕過宮即回

辛亥後殿坐問賀生辰人使到闕事予奏前已得旨只是討論禮文其它在朝廷

壬子後殿坐呈禮部供會慶節人使禮數事見與太常寺商議予奏只是三兩日聞昨早上語密院去年不見賀生辰人使獨出朕意卿等無一人以為然

乙卯後殿坐呈禮部指定温州興慶寺乞永崇奉高宗道場予奏此寺在溫之江心高宗嘗駐蹕有御榻焉聞頃年地震屋宇傾摧獨御榻處無恙今別無希望止乞崇奉香火止嗟異久之

丁巳後殿坐呈鄭僑奏乞除明堂大禮涉事神處用樂外

其它如盥洗升降繫聖躬者皆說而不作上初謂不須予  
奏本朝皆權宜僑見陛下三年之喪遂欲稍復古制乞  
令禮官詳議以聞上許之呈禮官具將來人使賀生辰到  
闕儀予奏祖宗時例上壽惟元祐止引見使人不會上壽  
至紹興三十年則高宗用淡黃袍黑帶行禮上曰既有典  
故自可免又曰上壽之禮為重自不當行又宣三宣諭此  
全在君相及大臣責任予奏所以削上壽典故而專指元  
祐臣之意可見矣上曰虜使若堅請卿等能任此責否予  
曰既許入見其受其書彼之禮畢矣上壽是自家事不過  
隨百官班拜舞于庭捧觴致詞一無所預彼何爭執上曰  
朕試卿等耳

己未兩雷後殿坐三省樞密院同奏昨日連準御批議定  
將來會慶節虜使堅欲上壽時如何臣等灼知彼必不固  
執蓋是自家事爾上曰不然彼若言大金皇帝令來上壽  
則何以應之朕思量累日而未得其說卿等勿以為易更  
審思之予遂奏當遵聖訓既而又對密院申言之

八月甲子朔

乙丑後殿坐從駕過德壽宮

戊辰後殿坐御延和三省同樞密院奏准南漕司申明將  
來會慶節人使徑從依舊用青紫幃幙從之上宣諭皇太  
后宮名如何慈寧甚好予奏本朝典故咸平號萬安宮萬  
安殿治平號慈壽宮慈壽殿熙寧号寶慈宮寶慈殿紹興  
則曰慈寧上曰元來却別要立名易得重叠莫只用名否  
予奏殿名與宮名同乞令太士院後省同禮官擬定取旨  
上曰然  
已已以腰痛不御後殿延和奏事禮官議到鄭僑奏明堂  
用樂事乞降神奠玉幣捧俎酌獻換舞徹豆送神依典禮  
作樂外所有皇帝三獻盥洗登降行步等樂備而不作上  
曰已適中矣上又宣諭議人使上壽事予奏彼必不計決  
無可疑設使有言自當折之以理上復云卿定須把定不  
可臨時有所避予奏臣等共以為然豈容推避彼苟非求  
釁決無所爭只望宣諭館伴接伴及國信所人勿令漏言  
上曰彼安肯爾將來如何收拾既退又以御筆來問  
庚午延和奏事同呈差接伴訖昨日再奉手筆及人使爭  
執事臣等保其不然上曰卿等肯任責甚善予奏此外或  
計較它事則在臨時上曰此難預料

乙亥後殿坐上又及上壽事云卿等雖肯任責或臺諫侍  
從有文字卿等又須搖動先令集議如何予奏此事臣等  
已灼然無疑若更令集議却恐引惹紛紛凡國家大事謀  
之惟幄之中有不必詢衆者苟衆議未當寧以身為去就  
豈可典狗非如尋常臺諫侍從所論無大利害之事遂電  
勉從之也上再三稱獎卿等能任責如此國之幸也

庚寅大雨後殿坐奏取到禮官狀大禮畢雖依紹興例免  
稱賀有拜表一節亦合申明降指揮並免庶幾可以示後  
上極以為然

辛卯微雨尚書省受明堂大禮誓戒

壬辰五使就貢院按雅樂

九月甲午朔早赴明堂殿習儀畢就行檢視祭器文具而

已

乙未後殿坐上御吉服朱紅椅及儀衛等並用吉禮

甲寅晴後殿坐同密院呈李獻等擬定皇太后殿以慈福

坤壽為名予奏慈福為佳上極稱善又呈元祐初興龍節

群臣及遠使詣東上閭門拜表稱賀罷上壽賜宴不作樂

今年會慶節已降指揮免上壽拜表既難稱賀又不應懇

然欲就東上閣門拜表起居若北使欲來則同赴庶幾  
陛下之聖孝臣子之誠心兩合於禮上又稱善以為名正  
言順言順辛酉後殿坐呈禮官申高宗小祥依典故前後五日不視  
事上曰典故如此耶初予密奏國初三日不視事自仁宗  
已後皆五日紹興初以軍典故五日徽宗小祥只三日前  
日有司誤用近例乞批出依典故五日上令作有司申請  
是日正謝明堂加恩合賜衣帶鞍馬予率衆人先入奏辭  
免以衣未純吉帶佩鞍馬皆非所宜上批依止四拜于延

而退

十月癸亥朔朝于後殿并例特賜錦一疋左幫帑支一疋  
今歲皆權停同三執政榻前謝加恩許免依帶鞍馬兩拜  
從駕過宮即歸

乙丑不視朝赴高宗几筵殿設黃錄道場拈香而退

丁卯不視朝文臣權侍郎武臣觀察使宗室防禦使以上

並赴高宗几筵前行奠酌禮

戊辰晴不視朝群臣赴高宗几筵殿如昨日之儀

己巳不視朝群臣赴几筵殿如昨日

庚午高宗小祥自後殿從駕過德壽宮禮畢奉慰而退百官就仙林寺設位行香

己卯後殿坐閤門奏來日密院滿散賜香合舞蹈有旨權

免  
癸未早自北門入赴垂拱殿東帷兩拜起居訖升殿侍立

引見生辰使中奉大夫禮部尚書王克溫廣威將軍客使

省元顏琬國書曰寒風初屆律正上冬良月就盈祥開誕

日緩遺皇華之使往敷慶幣之儀尚介壽祺用堅盟信禮

物北珠五顆餘同尚儀初授書琬不動克溫直到榻前琬

連声云大使大使蓋不款其太前也退至閤門聞琬頗責

克溫甚窘云有天地或謂琬曰自是副使不曾舉足稍前

非大使之罪乃已賜茶如正旦之儀黃樞押宴北使辭以

無例不敢受許之

甲申會慶節免過宮黎明文武百寮並詣東上閤門拜表

起居自紹興十三年拜表皆在殿下至是始正其儀次詣

明慶寺滿散祝聖道場中賜宋某賜香用密院已得指揮

免舞蹈留參入驛押宴

乙酉不坐不入苟玉津射弓正使王克溫第一箭中的不



肯再射第二次伴射荆萬館伴副使劉忠方中  
丙戌降聖節假虜使辭就驛花宴從之

庚寅早垂拱東偏引人使朝辭賜茶如始至國書云誕期  
甫屆惟深周極之恩信駟遠臨特厚永堅之好函書載啓  
儀幣是將沐勤意以文學飭報章而祇達冀因述叙彌見  
感藏李巖撰蕭參押宴御前令承受閔德常諭羅點過位  
特賜副使元顏琬銀一千兩金一百兩以其去年至此不  
受支賜也

辛卯旬休人使出門

十一月壬辰朔

丙申未時內引金國賀正使鄭僑張世脩朝辭

戊戌後殿坐呈高宗御書閣名後省學士院禮部太常寺  
共擬煥章貢文興文衆以煥章是堯事上以為然予奏典  
故當降詔

壬寅慈福殿立木闥御前及太后賜知省劉慶祖知臨安  
趙不流浙漕耿秉銀絹有差

丙辰冬至節朝于後殿從駕過德壽宮中行禮畢輔臣至  
權侍郎管軍室正任並赴几筵殿行澆奠之禮新降指揮

也尋從駕回脩內司提轄符思永傳旨小堰門裏儀鸞司  
北榮寨屋並交割付脩內司其寨內見住人兵却併歸東  
南兩營居住已而儀鸞司申空閑間架數少人匠無可居  
止又令轉運司火急計會儀鸞司於東營添蓋二十間餘  
屋重行脩蓋

十二月壬戌朔

壬申後殿坐昨差鄭嗣宗趙不慢館伴賀正人使予密奏  
虜使田彥皋極知書乾道間范成大充泛使彥皋接伴說  
話通情今宜擇知古今者為館至是上宣諭令於卿監內

別選人予因奏彥章去年在路間高宗升遐泣于驛中上  
曰畢竟是中原人既而具即中以上姓名繳入御筆點諸

葛廷瑞

癸酉不坐入局謀報虜中制曰朕惟熙宗孝成皇帝以武  
元嫡孫受文烈顧命作其即位十有五年偃兵息民中外  
乂安而海陵庶人亮包藏禍心覬覦神器陰煽姦黨遂成  
篡逆而又厚加誣詆降從王封亮得既志肆其凶殘不道  
之極至于殺母人怨神怒自底誅滅惟皇天眷佑于我家  
肆予一人續承先緒暴其罪惡貶為庶人仍黜其殯于兆

域之外仰惟熙宗號位宜正是以間者稽合禮文升祔太  
室復加美謚尊而崇之惟是塋非其所蓋嘗憮然爰命有  
司卜地涓日奉遷梓宮已於十月初八日備禮塋于思陵  
庶幾有以慰在天之靈也布告中外咸使聞知故茲詔示  
想宜知悉大定二十八年十一月日下熙宗即亶也予嘗  
奏高宗陵名相犯上以難改

已卯後殿坐提舉脩內司劉慶祖申契勘本司恭奉聖旨  
指揮展套脩蓋慈福宮殿堂門廊等屋宇大小計二百七  
十四間內殿門三間朱紅門二扇板壁八扇礮石浮甌釘  
裝釘朱紅柱木頭頂真色裝造甌瓦結廡安立鷓鴣方博  
地面門外打花鋪砌墁地正殿五間朵殿二間各深五丈  
內心間闊二丈次間各濶一丈八尺柱高一丈五尺平基  
枋朱紅頂板裏外顯五鋪上下昂真色暈嵌裝飾頭頂甌  
瓦結廡安立鷓鴣方博地面朱柱紅木窗隔板壁週迴明  
窓等青石壓欄石碇踏道打花鋪砌龍墀殿上安設龍幃  
屏風殿後通過三間隨殿制作裝飾真碌刷柱并寢殿五  
間挾屋二間瓦涼棚五間並是真色暈嵌裝造黑漆退光  
柱木窓隔板壁週迴明窓等頭頂甌瓦結廡方博地面後

殿五間挾屋二間真色裝造碌漆窻隔板壁黑漆退光柱木週迴明窻等頭頂毗板瓦結瓦方磚地面以後樓子五間上下層並係青碌裝造黑漆窻隔板壁鶻梯週迴樺風簷子等碌油柱木頭頂毗瓦結瓦方磚地面打花鋪砌湧路花臺正殿前後廊屋共九十四間各深二丈七尺濶一丈二尺高一丈五尺五寸真色金線解碌裝造頭頂板瓦結瓦方磚地面殿前廊屋係朱紅柱木窻隔殿後碌油柱木黑漆金漆窻隔板壁前後明窻裝折閣子庫務等并素白櫛木側堂二座各三間龜頭一間黑漆窻隔并明窻等殿厨及內人屋六十間官廳直舍外庫等屋六十五間大門一坐三門中門隔門二座各一間深濶不等並係草色裝飾礮紅并黑油柱木安卓窻隔板壁等板瓦結瓦磚砌地面及諸處磚砌路道牆壁黃羅青額羅道并踈暖簾共一百五間礮石鈎條結子全及諸處安卓並係礮石裝釘葉事并承降下御書慈福之宮慈福之殿八字及臣御名八字恭書製造青地金字朱紅漆牌二面前項生活並於今月十八日一切畢工并於當日掛牌了當

庚辰國忌行香內引館伴使副諸葛廷瑞趙不慢朝辭宣

諭云王正己接伴殊不禮使人間甚不平卿宜還其禮數  
後聞正己在盱台北引接等來參待之不甚恭又金山惠  
山分位幙次舊例客居中位正己不以爲然必爲羅者所  
奏也  
戊子大風而晴重拱殿東楹生引北使中奉大夫吏部尚  
書田彥昇副使廣威將軍戶部郎中耶律仲方朝見國書  
云獻歲發春式屬亨嘉之會順時講好益敦信睦之風爰  
遣使車往敷慶幣方復新陽之序茂膺多福之宜

庚寅節假人使游天竺

淳熙十六年己酉

正月壬辰朔陰朝于後殿從駕過德壽宮次詣高宗凡筵  
前如冬至之儀內批皇太后還慈福宮令太史擇日是日  
微雨

甲午晴人使觀潮

乙未陰雨開基節假人使射弓

丙申陰清華閣奏事呈太史局選定太皇后還慈福宮宜  
用十五日上令報提所又令學士院撰御前表文并文武  
百寮亦進表密院呈北虜十二月十九日大赦云朕自臨

御以來夙寤晨興未嘗不以憂勞萬民為心故稅賦嘗慮不均刑罰嘗慮其不省民財嘗慮其不阜錢帛嘗慮其不通而比年以來民間租稅多逋豈猶有被寬滯者乎一遇水旱或有貧不自給而仰食於賑貸者管庫宿負或有貧無以入而庸身於官役者朕甚憫焉宜推曠以示深仁可大赦天下自大定二十八年十二月二十九日昧爽以前自雜犯死罪以下已結正未結正已發覺未發覺咸赦除之於戲理寃結而調困窮惟帝王之茂憲沛利澤而崇寬大寔天地之深恩用恢仁壽之風以導和平之氣咨尔有衆体予至懷赦書日行五百里敢以赦前事相告言者以其罪罪之主者施行虜中非有大事不使肆赦今次特寬疑曷王病也

丁酉晴上先御後幄引送伴使副王正已等次御垂拱東楹人使朝辭賜茶如儀回書曰人正肇啓感歲序之載更使傳來臨識信盟之益固祇承書惠兼致幣將佩禮意以惟深飭謝緘而敢後悃悃是達銘篆吳勝李燾文也

戊戌晴人曰假內引賀金國生辰使副何澹戴勳朝辭國書曰季春應律方暢茂於陽和彌月標祥式誕膺於福祉

肅馳信駟祗飭慶緘備陳不腆之儀申締無窮之好永綏  
壽履垂副頌言  
丙午後殿起居從駕過德壽宮是日皇太后過慈福宮上  
進表一通文武百寮亦奉表起居駕先回皇后留至申時  
方歸三省樞密院吏各得數百千  
庚戌後殿坐呈何澹劄子如虜界有故禮物分付與否澹  
朝辭時欲待回予以為不可既進呈因奏當問鄭僑体例  
兼本朝嘉祐有故事上乃許隨宜斟酌施行  
辛亥旬休辰時清華閣奏事宣諭二府朕衰老不得日奉  
高宗几筵且於太后定省有闕旬日間當禪衆人唯唯上  
令留身予呈二月二日詔卓并紹興三十二年六月本上  
曰此見來因讀所擬者至奉几筵及聖母定省等語上再  
三言切當予奏乞就二月一日未後付出上曰朕當親寫  
付三省樞密院只錄紹興例又指詔末云此便書皇太子  
可即皇帝位乎予奏只錄紹興例臣不敢寫此數字其下  
却當云故茲札示想宜知悉上曰不必云軍國事並聽嗣  
君處分否予奏此當時誤本不合如此上曰其它禮數付  
之後人吁台申對境幙帟皆用青傳虜主正月一日卒

周文忠公集卷  
壬子後殿生進呈畢奏虜主之報上曰待此機會十五年  
矣  
癸丑駕不出入司盱台報高王正月二日薨遺詔太孫璟  
柩前即位權殯壽安宮

丙辰後殿生時清華內殿奏事呈萬壽宮不惟魏太武有  
之宣和末廢神霄玉清萬壽宮亦當避夜未思之重華宮  
名甚好衆皆稱善上曰極切當但恐不敢當爾又呈尊號  
須加至尊然後繼以壽皇仁帝上曰已過皆非所宜朕都  
無擇衆人疑析開皇帝二字欲作壽仁皇帝上謂壽皇便  
便可稱呼

二月辛酉朔陰雨清華閣奏事子初謂上與太子同過重  
華宮今日上疑無二輩予奏記得有两副上曰其一曾送  
高宗過越州予奏如此則陛下乘道遙而太子以輦從行  
都人瞻望尤美笑上乃定又商量中宮稱謂予謂欲冠以  
重華或至尊上皆未以為然已而上之尊號方許用聖字  
且曰慈福太后依舊稱壽聖皇太后正好惟中宮亦可連  
一壽字退擬壽隆壽昌壽成三字御筆點壽成  
壬戌晴親批出立太子妃李氏為皇后已而列仗設宮架



樂而不作上吉服御紫宸殿鳴鞭下山呼先閣門次三衙  
次群臣皆四拜宰執升殿予奏欲於禪位詔後添入朕當  
移御重華宮七字又奏陛下萬壽康寧巽位與子古今盛  
典再見本朝中外同慶臣等轉政無狀自此不得日侍天  
顏無任依戀退至隔門再追班傳詔拜舞記復追班入殿  
新皇帝側立群臣舞拜如儀二府升殿上猶未坐內侍請  
費聽予與諸公側立固請上猶固辭予奏陛下若未正坐  
臣等未敢奏事上遂坐呈至尊壽皇聖帝及壽成皇后尊  
號指揮而退已而壽皇易白帽素袍再御御後殿新主袍  
帶側立群臣禁衛等起居如所定之儀遂相繼登輦同過  
宮兩後驟晴觀者塞塗晚駕回復兩

思陵錄下

待詔吳知及周知各以學士張誦若水入侍

次詳在管四拜半於計院亦奉敕於祥位詔後添入殿  
恩親禮華宮七字又奉陛下萬壽康寧異世與千古合威  
其再見本朝中令同慶巨宗轉政無杖也此有得日侍光  
類其任休恩是至隔門再進班博詔拜舞記復是班入殿  
新皇帝則立賜臣等早...儀二府升殿...自未坐內侍請  
賈德子與......酒同......若亦止坐  
富西.........  
氣......

淳熙玉堂雜記卷上 人刻生堂 周益文忠公集一百七十四

錢文僖公惟演金坡遺事云舊規學士六人遇聖節共率百二

十緡寺中設齋今送五十千與樞密使同開道場前一日赴

宴當時所記如此近歲樞密院滿散聖節及貢院賜宴則學

士待制皆與而無送錢故事又云參隨樞密班先入止是再

拜不舞蹈并遇宣麻不往皆內朝故事也

金坡遺事又云聖節唐時唯六學士及二使謂中官樞密使赴待詔雖

發書屈亦不與坐又云本朝淳化五年十月上賦詩一首令

待詔吳印張用和齋以示學士張洎錢若水又李昌武宗謬

翰苑雜記學士初授中謝前一日待詔一名至私第宣召入院聽口宣舞蹈訖揖待詔上階相見具酒果迎待即以事例金物并書致於待詔前熙寧間司馬文正公日記云初除學士待詔李光卿宣召設香案褥位於庭望闕光卿稱有勅光再拜光卿口宣云云光每向應喏畢再拜舞蹈又再拜升階與待詔坐啜茶盞中朝舊典也今學士院有待詔四人或右選或白身予為學士忠弼郎錢滋來宣召大略如李馬二公所記而無對揖茶酒之禮例支十千薛云自來虛喝不敢受予強予之常日學士入院坐堂上朱衣吏初贊喝東院錄事其人以下躬喏訖又喝云各祇候次贊喝西院某人以下亦如之最後平贊云待詔既不名亦不喝各祇候則待詔與院吏固亦有間若平居則視之全與吏等無由待以茶酒豈將命時不欲更之邪抑祖宗時所遣或翰林定局之待詔亦然唐制發書屈赴聖節禮已厚矣

李仁父燾續通鑑長編開寶二年太祖命李昉盧多遜分直學士院昉前在翰林堂吏因事至者每拜堂下事已即遣未嘗與坐至是拜堂上更展叙中外無復曩日之禮昉愕然詢同列則云數年矣司馬文正公日記云熙寧二年五月癸巳鎖

院以奉安二御容禮成德音降西京囚杖以下放是日丞相  
出中書提點魏孝先以下入院授以叅政趙抃所封御前札  
子茶湯館於虛閣御藥劉有方來茶湯館於門塾復謁御厨  
翰林設食致酒果黃昏進首尾詞內批依此脩寫四鼓起讀  
點句攢點進入明日丞相退朝宣訖開院淳熙三年十一月  
八日某被宣草十二日冬祀赦黃昏方至院御藥持御封中  
書門下省熟狀來繫鞵迎於中門同監門內侍一員俱升廳  
御藥先以熟狀授監門共茶湯訖先送御藥出院復與監門  
升廳受熟狀付吏又點湯送監門下階館之門塾而不報謁  
既熟狀自內出非叅政所封故提點官不來惟中書門下省  
刑房錄事尚書省刑房主事各一人穿秉同至仍舊繫鞵見  
之不迎不送不設茶湯而退守當官四人貼房十數人旅楫  
階下與文正公所記多不同至六年九月十二日復被宣草  
明堂赦御藥張安中監門梁襄相見如儀惟錄事沈拱主事  
李師文茶而不中湯院吏云前不設茶誤也守當官等不復  
廷揖所謂酒饌之賜今皆無之詰朝奏知先出而吏率輩皆  
俟三日後宣赦訖乃得歸

太上初遜位上遵號時陳丞相康伯當國集議定命學士洪景

嚴遵撰議文然後降詔某時任察官心知其非而無由改乾  
道六年郊祀禮成加上尊號某在翰院始引唐故事乞上帥  
群臣過宮表請既允然後降詔國朝止有人主上母後尊號  
故冊文稱嗣皇帝靖康上教主道君之號徐丞相處仁已命  
汪彥章藻代作冊文會有疆事不及行禮紹興三十一年初  
上德壽尊號乃承例用嗣皇帝乾道六年上既表乞加上尊  
號而院吏馮表亦稱嗣皇帝私謂未安謹按唐明皇傳位後  
顏真卿議肅宗不當於宗廟稱嗣皇帝况親奉表德壽乎以  
白麋丞相允文丞相難之必令尋例某思建炎以後遇節朔  
違拜徽宗表是時翰苑多名士必不誤用乃督吏搜舊牘明  
載日果得表本一冊止稱皇帝又按韓文頌宗實錄載憲宗上  
頌宗尊號冊文亦稱皇帝臣某此最可據其議遂定

是歲初議於上太上皇帝尊號中加憲天體道四字皇后加慈  
明二字集草詔云上太上皇帝與天同大體道之宗上太上  
皇后如月之明以慈為寶蓋取文意之順耳將宣布而議者  
謂天聖二年賜上太宗女申國大長公主謚曰慈明當避於  
是改用明慈二字宰執云詔書先明而後慈殆默定也

某與同直院鄭仲益聞既分草皇帝請加上太上皇帝皇后尊

號賤表諸公謂太上皇帝自當答誥頗疑皇后難於措辭某  
請以意共為答誥文意所及總言父母以該之而不稱予吾  
之類遂草以進上甚以為然凡兩答誥皆某所草也

上於文字尤欲得體一覽便見是非某草太上尊號第一誥  
其末云怡神間燕何力之有而太上曰此雖道太上語畢竟  
是自此起草送去何力之句不能無嫌某遂改作無累於物蓋  
實上用意至到如此

淳熙二年六月禮部太常寺申未年尊太上皇帝當慶七十欲  
將拜國朝加上尊號并上壽典禮恭酌此附先次討論壬申

有旨恭依七月乙酉侍從禮官等就都堂議加性仁立德

至神無為八字而皇后再加二字為齊明廣慈後兩日禮部

趙侍郎雄謂無為二字與太上字相連頗涉語忌請改為明

武煥文其後又嘗作無為至神又作成武煥文建癸卯乃定

用性仁立德無為全美恭政龔實之茂良而下尚不以為然

兼丞相衡既主之衆莫能奪八月直院胡長文元質罷丁卯

上自用某再直已擬詔草會九月乙未兼丞相罷龔恭首

招承及學士王季海淮共議然後定為性仁誠德經武緯文

遂草宣布詔其頌太上皇帝云以德行仁本性誠之固有

脩文偃武合經緯之自然 太上皇后云月齊日以得天而  
能久照坤頌乾而配地是以廣生天上再三稱獎謂教向用  
經語該括明備非卿不能為真大手筆也  
大禮降御札既云札示別當親筆付外迺歲同常詔復院吏馮  
本行出未知中朝舊事如何乾道九年六月七日宣當直學  
士草南郊御札三更進草其間云乾清坤夷振四方之綱  
紀皇暉海潤兆百世之本夫玉卮每奉於親帟瑞節歲交於  
隣境無止改作農扈屢豐戎軒載戰崇禮樂而四達嘉風俗  
而再淳玉卮每奉於親闈美化遂形於海宇仍批云可改簽  
抹者伍句意不近於郊祀其欲得體大率如此  
淳熙六年三月丁卯詔今歲郊祀以例約束省費旋有旨未令  
行出下禮部大常寺議明堂大禮初李仁父主此說於前郊  
嘗經集議會近習揚言燾博極羣書却不曾讀孝經乃不果  
行至是某以禮部尚書兼翰林學士與諸儒議曰周公雖攝  
政而主祭則成王王方幼冲故周公參稽古制歲事於明堂  
其曰嚴父者指周公能推本武王之志追尊文王之功非謂  
自主其祭祀也衆以為然遂奏臣等竊觀傳載黃帝拜祀上  
帝于明堂唐虞祀五帝於五府歷時既久其詳莫得而聞至

禮記始載明堂位一篇言天子負斧依南鄉而立內之公侯  
伯子男外之蠻夷戎狄以序而立故曰明堂也者明諸侯之  
尊卑也孟子亦曰明堂者王者之堂也周禮大司樂有冬至  
圜丘之樂夏至方丘之樂宗廟九變之樂三者皆大祭祀惟  
不及明堂豈非明堂者布政會朝之地成王時嘗于此歌我  
將之頌宗祀其祖文王乎後暨漢唐雖有沿革至於祀帝而  
配以祖宗多由義起未始執一本朝仁宗皇祐中破諸儒異  
同之論即大慶殿行親享之禮並侑祖宗從以百神前期朝  
獻景靈宮享大廟一如郊祀之制太上皇帝中興斟酌家  
法舉行於紹興之初亦在殿庭蓋得聖經之遺意且國家大  
祀有四春祈穀夏雩祀秋明堂冬郊祀是也上陛下即位以  
來固嘗一講祈穀四躬冬祀惟合宮雩壇之禮猶未親行今  
若特舉秋享於義為允臣等謹據已行典禮及將前代贊循  
本朝明名儒李泰伯范鎮明堂嚴祖說并治平中呂誨司馬  
光等集議近歲李燾奏劄具錄以聞乙亥有旨從之九月壬  
辛以新顛肅后忌前改用仲辛行禮辛酉當受誓戒前一日  
上語宰執足指瘡腫恐妨拜跪欲展季辛又值新顛恭后祀  
如何宰執奏天地尊后忌卑遂降旨用二十六日某按漢武



太初太始征和中屢祀明堂不專用辛方請別卜身詰朝  
上忽遣中使諭旨都堂夜來傳藥足瘡良愈不必改日但已  
展誓戒之期若再降旨不張皇否趙相奏此却無妨適以是  
日午時集官受誓戒丙寅大雨丁卯鎖院草赦戊辰百執事  
冒雨入麗正門過後殿請即皇帝致齋己巳午乘道遙車  
朝獻景靈宮入太廟宿齋四日之間雨晝夜傾注通衢殆如  
溪澗有旨乘早不乘玉輅止用道遙車徑入北門趨文德殿  
致齋朝服導駕官皆改常服應儀伏排立人並放趙相為大  
禮使密諭有司未得放散黃昏後雨驟止夜分內侍李恩恭  
傳旨御史臺閣門太常寺仍舊乘玉輅應合行事件疾速施  
入行庚午昧爽駕來登輅某執綏上喜曰且得晴霽辛未行  
禮月色如晝上拜起不倦以迄於成黎明登樓肆赦簪花過  
德壽宮人情熙熙赦書乃某視草其間云惟周成宗祀洛  
中陟配於文王惟漢武合祠汶上推嚴於高帝皆用親郊之  
禮具殫尊祖之誠於鑠本朝若稽前代倣經路寢有皇祐之  
彞儀徧秩羣神有紹興之近制不愆於素可舉而行蓋欲明  
著古禮以示末世也後數日加恩羣臣某復草趙相制云裸  
將太宮霽瀟驟霽陟恪大寢月華正中又云鎮定大事如彥

博之恢宏貫通群經如宋庠之博洽皆紀一時之事且以  
仁宗初行明堂二公實為相也

大禮赦條乃六部諸司條具上省省中類聚取旨訖即進熟狀

降伏學士院草赦文本院并首尾詞大書進入其間多云當

議將上取旨蓋有司擬申如此既經畫旨行赦便是處分不

應仍舊用當議二字某為學士諭令削去院吏持不敢遂親

以筆塗之

大禮上乘玉輅率令翰林學士執綏備顧問近歲及闕正負

臨時選差定官與五使同降旨淳熙丙申南郊己亥明堂其

再為之按京師用唐顯慶輅嘗以登封其安固可知元豐改

造已不能及今乃紹興癸亥歲所製上自太廟服通天冠

絳紗袍乘輦至輅後由水陛以登惟留御藥二官者侍立執

綏官先從傍用小梯攀緣而上衛士以綵繩圍腰繫於箱柱

輅行頗搖兀宸几亦覺危坐云

大禮後上御樓揭雞竿肆赦皇太子及文武百僚拜舞於

下惟樞密使翰林學士相對侍立樓上丙申己亥某扈從再

登麗正門望濤江形勢環抱極壯觀也

乾道七年四月甲子詔降皇太子判臨安府用至道故事也或

謂當以太中大夫為判官通領府事恐名稱未正遂議改尹  
而以待從為少尹餘判推官用卿監即官丁卯將鎖院降麻  
或又疑宣麻給告非待儲貳之禮也己後省官禮官會議於  
大史院檢照唐太宗征遼命太子監國及大帝命太子受諸司  
啟事或詔或制視麻為重可以作則 上然之庚午偶當日

被宣范紫微成大先以待講進宿聞報遽出薄莫至王堂御

藥李

志其

持御封

御筆皇太子某宜領臨安尹可依此降

制三鼓進草因奏此制書既不給告則當付有司施行竊恐  
皇太子別無被受款依自來詔書體式略換首尾書寫一通

降付 皇太子今擬定格式進呈如賜俞允迄速批降付下

御筆批依辛未遂告大廷惟此稀闊盛典適以史官備討  
論詞臣參潤色復得宸翰寶藏於家非儒生之榮遇乎

答皇子詔用卿字非是前輩知禮則不然其定或汝或王或公  
皆當有別

翰苑歲進春端帖子如 大內多及時事太上則詠遊幸之類

某嘗自德壽宮後垣趨傳法寺望見一樓巍然朝士云 太

上名之曰聚遠而自題其額仍大書東坡賴有高樓能聚遠  
一時收拾與閑人之詩於屏間又靈隱寺冷泉亭臨安絕景

去城既遠難於頻幸乃即宮中鑿大池續竹筒數里引西湖  
 水注之其上疊石為山象飛來峯宛然天成某作端午帖子  
 云聚遠樓頭面面風冷泉亭下水溶溶人間炎熱何由到真  
 是瑤臺第一重蓋謂此也前後頗聞禁籞大略併記於下宮  
 中分四地分隨時遊覽東地分香遠 梅堂 清深 竹堂 月臺 梅

谷坡松菊三徑菊芙蓉清妍臨清新木犀芙蓉岡南地分載忻

大堂御宴處忻欣古柏射廳臨賦荷花燦錦金檜至樂池上半

文紅柳李清曠木犀馮碧養金西則冷泉古梅文杏館靜樂

牡丹浣溪海棠樓子北則絳華羅木早船俯翠亭春桃盤松

其詳不可得而知也嘗見 御製盤松贊墨本云天錫瑞木

得自嶽岑枝蟠數萬幹不倍尋怒騰龍勢靜奏琴音凌寒鬱

茂當暑陰森封以腹壤迺以碧潯越千萬年以慰我心碑在

宮中又汪季路遠得 御製祭土地文彙真蹟寶藏之其文

云維淳熙五年歲次戊戌十一月廿九日皇人

太上皇帝遣 具楷張宗尹特設牲牢音酒珍果香花致祭于

本宮土地之神神有百職職各不同典司草木土示是供我

遊湖園乃獲奇松植之禁苑百態千容婆娑偃蓋矢矯騰龍

翠色疑露清意舞風醉吟閑適予情所鍾壘培封植久或力

窮鳥鳥外擾蟻蠹內攻神其勦絕勿使能終精邪竊據盜谷

遶遶神其阿逆勿使能遺蹤常令勁質坐閱隆冬堅踰五柞

弱異雙桐歷千萬年鬱鬱蔥蔥牲宰旨酒嗣錄汝功尚饗

歐陽文忠公學士院草錄世已不傳近歲有王堂集云是李漢

老耶編類亦差訛非全書其中却載皇太子府春端帖子

蓋政和宣和間所供今東宮乃闕此欲引例為請緣無善本

可據且當時不曰宮而曰府遂止王安中內制一例曰閣

對曰遶谷好故姓高致不計會獻御膳計奏旨齋樂

淳熙王堂雜記卷上王堂集卷之二

淳熙王堂雜記卷中王堂集卷之二

周益文忠公集一百七十五

乾道七年十二月辛酉有旨僕射之名不正欲採周漢舊制

改左右丞相令有司討論某時為禮部侍郎兼權直學士院

又兼同脩國史兼實錄脩撰皆當與聞會議不齊而虞丞相

亦謂同北虜官制遷延至明年正月戊寅僅條具歷代宰相

官稱申尚書省禁中即聞之明日遣中使王忘其來問緩故

某以實奏二月癸卯得御筆云尚書左右僕射可依漢制

改作左右丞相學士院降詔登時具草封入乙巳付外施行

庚戌從駕過德壽宮既歸得旨赴東華門祗候宣引日

已哺聞有內宴小黃門出云恐改日引然不敢退酉後忽宣  
入選德殿起居畢上微被酒袖出親札云比來一二大臣  
同心輔政夙夜匪懈漸革苟且之風以副綜覈之意深可加  
尚念因除授且示褒典允虞文可特進左丞相梁克家可正  
奉大夫右丞相御前設小案用牙尺壓蠟紙一副傍有漆  
匣小斂研寘筆墨於玉格某鞠躬書除目進呈訖奏曰拜相  
轉官前例固不一今並命而或三或四更取無益且恐士所  
望裁平土曰以其恇心故褒進之然特進之官即少保所以  
旌文三官又問兼樞密使否上曰今樞密亦非古先改丞

相稱呼將來別理會且帶可也又奏所領書局單上曰卿自  
理會賜坐奏問既改左右相其序位如何書曰曰設升在三  
少之上三公之下逮閣請起宣坐賜茶飲訖再拜而退御藥  
李彥直同自複道秉燭鎖院蓋上意欲其密故不用尋常  
宣官之禮金蓮故事今庶幾焉凡鎖院御藥監門中官各一

真御藥留宿其廳

鎖或先去恐是  
大禮別有職事

昧爽再相見以小字制書本授之送至中

門先啓鑰入內即復局院俟朝退宣麻訖學士乃得歸時虞  
公獨相梁為叅政聞班列中但謂改易相名及雙制出愕然

或疑學士多轉右相一官有所抑揚不敢辨也按祖宗時  
命相多以舊官其後往往遷秩近歲勅局脩三省法乃著令  
轉三官茲豈當立法乎

乾道七年七月二十六日午後快行家傳旨下學士院取從官  
為四川宣撫使體例蓋是時叅知政事王公明炎在蜀三年  
屢求歸宰相薦吏部王能甫之奇為代故來索例某令回奏  
云降麻方屬本院侍從當閱三省既暮忽宣鎖至院已秉燭  
中使出御封御筆乃王炎除樞密使依舊四川宣撫使其  
密如此吏為熟狀依例不轉官但加食邑某方草制未暇細

思既得筆依奏方省其誤自寫奏云本朝改官制後以太中  
大夫為宰相官當時改樞密使為知院事以中興以來既復  
置使首用舊弼故恩數多視宰臣未有以中大夫充者昨汪  
徹元是通議大夫虞允文太中大夫故不轉官今王炎止是  
中大夫竊慮合轉左太中大夫仍加封邑庶協近制士則  
御筆批依時近三鼓批墨尚濕

某初直院見批答臣僚章表皆大書其後不過三兩行表紙盡  
則接以詔紙數副文盡乃止然表紙高詔紙矮參差不等問  
之掌故並無依據心每疑之其後徧於執政故家求承平時

舊本偶得無仁宗皇祐間答孫威敏公沔辭免副樞表則所

接之紙高低相若淳熙乙未再叨寓直閏九月十二日因李

參彥穎王樞准用一等紙書寫進呈仍乞今後準此施行

御筆批依遂為定制

宰制及親王使相大尉生日天章閣排辦牲餼預申學士院撰

詔書及馮賜目一紙各請六中御寶

詔用書詔之寶賜目錫賜之寶前一日差內侍持賜券詔例畫撰進之日謂

如正月旦生文意必叙歲首而所畫自則是去臘殊不相應

某為直院奏乞不拘進詔早晚但實畫生日於後得旨從之

遂為定制祖宗時牲餼外又錫器契往往就差子弟姻戚

持賜欲其省費也過江惟牲餼耳米粳本色羊準價皆取之

有司酒則臨安醞造臨時加以黃封拜賜訖與使者同升廳

播笏展讀就坐茶湯書送錢十五千從人三千天章閣使臣

庫子快行錢酒各有差

淳熙三年八月庚辰德壽宮遣大璫張去為至都堂傳

旨立翟貴妃為今上皇后明日午後執政奏事皇后歸姓

謝氏乙酉晚快行旅未宣鎖院是日侍講刑部侍郎程泰之

已宿直呼馬而出予至內前適與之過泰之揚鞭云留詩案



上美酉時自東華門入對選德殿上曰太上有旨立謝

后命卿草制某奏合略及歸姓否上曰不如此四方向由

知明言幼隨乳母可也宣坐賜茶訖御藥王濛同入院二鼓

後進草畢更呈恭之詩云科擻身章却冒塵裏疏顧影也後

巡鑾坡寓宿非其地蓮燭操文自有真字自由未同古語位

高兼復見今人迎潮有諾無輕爽季老當年不諉貧謂賜金

也予次韻戲之云天街並踏軟紅塵飛鞚交馳駭徼巡椒殿

敢期當制草槐庭元擬用儒真初謂年先鬻方偶免冬龜手

遠市深懸且攫人禮絕同僚應有日重露潤筆乃無貧謂相

制亦賜金也先是七月十九日六曹長貳六人往浙江亭現

潮泰之在焉惟予以內直不赴晡時大雷雨走筆戲蒸子平

沈云雷轟萬鼓勒潮回無復亭前雪作堆應為尚書慳且澁

育風怪雨一時來迎潮輕爽之語指此四景圖以望佳句對

淳熙三年八月乙未都堂召議賜交趾來年曆日詔書予謂李

天祚去冬已薨龍翰未經封拜欲作安南國王嗣子龍翰執

政然之先是予以兵部職事條具天祚贈與按故事其王初

立即封交趾郡王久之進南平王死則贈侍中南越王止以

天祚自紹興丁巳嗣位今四十年淳熙元年二月又自南平

王特封安南國王故欲厚其禮予請仍贈侍中追封南越國  
王詔可之安南為國蓋曾丞相之失聞奏章行移舊止稱安  
南道加封之後浸自尊大文書稱國不復可改丁酉三月二  
十四日制授龍翰靜海軍節度觀察處置等使特進檢校太  
尉兼御史大夫柱國安南國王食邑三千戶食實封壹阡  
戶仍賜雅誠順化功臣予適當制其云即樂國以肇封既從  
世襲樞真王而錫命何待次升蓋言不封群王也交州南唐  
為安南都護府本朝太宗時黎氏奪丁璿節度大中祥符二  
年李公蘊復慕之傳子德政至孫日尊嘗稱帝改元日尊卒  
乾德嗣平陽煥嗣卒天祚嗣卒龍翰嗣生數歲矣制云乃眷  
一邦茲傳七世自公蘊言之也其名曰日曰乾曰陽曰天曰  
龍皆有僭上之意然表章字如蠅頭幾不可辨祈玉音每嘉  
其恭順云

淳熙三年九月二十五日鎖院付下中書門下省熟狀趙伯圭  
除使相提舉洞霄宮某奏按故事宗室戚里或前宰執帶節  
度使多充宮觀使相自領使使無疑昨史浩以使相提舉宮  
觀者誤也恐自此遂以為例今具士樽錢枕等例皆是以使  
相充宮觀使在外任便居住者合取旨改正一更四點進

入五點上批可依士搏等體例除宮觀使  
是年十一月二十二日御封付下叅知政事錢良臣辭免  
監修國史日曆所劄子降詔不允某因奏自來宰執兼領書  
局多是內尚書省批出局名既至朝廷降勅合行寫正而省  
吏止奉行內批宰執亦隨勅黃繫銜差誤日久今因答詔輒  
具言之國史日曆者書名也曰所者官司也今大臣合監修  
日曆却添一所字似監修造作之官又如勅令所從官詳定  
宰執提舉今却云提舉勅令所此何理也以至國史院會要  
玉牒皆為一律合行改正上以為允其後或是或否復混

淆矣

丁酉九月丙辰宣召侍讀史少保浩錫宴澄碧殿抵莫送以  
金蓮燭宿玉堂直廬上命作詩叙此會史進古詩三十韻云  
季秋中澣日淳熙隆四禋朝回攬轡間中使俄傳本旨少復  
日轉申其宣召陪燕喜預令掃玉堂深夜備棲止悚懼跼承  
命鳴騶亟穿市絳闕聳皇居非煙常靡靡入自東華門熊羆  
森爪士詔許乘肩輿安徐無跛倚復古距選德相望幾數里  
脩廊接雲漢岩峩瓌珠藻中途敞金扉恍若蓬壺裏羣山擁  
蒼壁四顧還弱水山旣日夕佳水亦湛無滓冰簾映綺疏瓊

殿中央時澄碧耀宸奎龍神爭守視蹈舞上丹墀天威  
不遠咫尺奉觴祈萬壽時蒙一啓蔭餘波馬鼠腹酒行不知幾  
徘徊下瑤席緩步頰玉趾從遊至清激錫坐談名理泉聲韻  
瑟琴一洗箏笛耳皇云萬機暇規書每未此論道及帝王  
直欲齊其軌堯舜禹湯文前身無乃是臣言匪獻諛道實由  
心起既然明是心要在力行爾登橋酌餘壘飲與未容已金  
蓮引雙燭再拜離階祀玉音寵諭臣此會宜有紀歸途感  
恩榮占馮忘骹骸土御製俯同其韻云楫遜荷帝堯寅恭  
五元禋治道貴清靜聖言有深旨誰歌元首明自得股肱喜  
躋民期仁壽詎肯中道止力農樂彼田坐賈安於市歲行閱  
豐登國論銷委靡予力初何能濟濟賴多士矧予有元老中  
立而不倚居東逾三年不遠來千里未遂赤松遊輟誦青琅  
藥皓首持六經日侍明光裏翼乎鴻遇風縉矣魚在水儒行  
絕瑕疵道心無塵滓挺挺松栢姿嶢嶢山岳峙予惟日萬機  
至仁同一視西城錫小宴促坐才尺咫湛露愧歌周置酒非  
封齒歸美見新詩如卿能有幾眷言澄碧行勝賞得迂趾亦  
屢引公卿對此談政理虚心欲受人忠言資逆耳朕瘠天下  
肥至樂無易此頗念文武疆六合尚殊軌東都會諸侯宣王

昔於是期爾啓嘉謀使我勲業起勿以方燕頤所書聊復爾  
卮酒正須臾話言未能已都護萬年觴何當至庭祀文章藉  
老手直筆忠興紀載嘉矍翁焉能辭翫散逮十一月壬寅  
輪當內直申時二刻宣召至清華閣上白學士宴見無時  
最為親近朕和史浩詩待錄示卿可和以進此學士職也又  
云卿想不甚飲此賜宴時見卿面赤却至誠不辭既退中使  
李肅傳旨賜詩本并戊戌小春茶二十銚葉世英墨五團  
以代賜酒世英御前墨工也恭進和篇云粵從三代還歲月  
過千禩時豈無賢君道未契宸旨

陛下屢詔臣三代而下人君皆不知道

煌煌唐太宗勲業在所喜冠攘既掃除

蠻貊畢至止循良布郡邑惠政寬獄市忠賢儼班聯切諫柅  
浮靡閔轉羅府兵嚴宄聘奇士民生覆孟安國勢泰山倚皇  
心期過之風下九萬里忠厚培本根文物繁華藻淳熙視正  
觀何帝相表裏屬車尚濤江列障除淮水蠶茲獯鬻氏作我  
太清淳坐令營地衆久費糗糧時中原厥狼貪諸將空虎視  
安得貫砮楛未貢尺有咫六合混一家耕桑盛生齒願言講  
治道先務當有幾欵仁斯仁至患在未舉趾而况前史中遺  
事可尋理衛英瓜與牙王魏日兼耳處中賴房柱虛受忘彼

此不聞國異政但見車同軌軌云古道誰僉曰今王是寸陰  
聖所競威德日方起舞干格三苗其效九旬爾軻稱仁無敵  
傳謂禮可已東觀及北女看即朝王祀南山竹易彈陛下  
功難紀儒館謾獻歌將柰詞之骸是日奏事畢問陛下命  
臨安府開文海有諸尚上曰然奏云文選之後有文粹已遠  
不及所謂文海乃近時江鈿編類殊無倫理書坊刊行可也  
今降旨校正刻故事體別重恐難傳後莫若莫若委館閣  
官銓擇本朝文章成一代之書上大以為然曰卿可理會  
奏乞委館職上曰待差一兩員其後遂付呂伯共祖謙既  
成上問何以為名某乞賜名皇朝文鑑上曰善又降  
旨令某作序亦既進呈將刻板會有近臣密啓云所載臣僚  
章疏毀及祖宗政事遂不果刻今其書士大夫或傳之  
淳熙五年閏六月十二日鎖院付到熟狀皇子魏王自荆南集  
慶軍節度使開府儀同三司行江陵尹判明州改成德彰信  
軍節度使行荊州牧某奏彰信是曹州徽宗曾為節度使  
即位後升興仁府又親王帶收合隨本鎮今成德軍即真定  
府却帶荊州牧非是上批別擬大鎮進入選點更具本鎮  
帶收故事來某又奏去夏魏王除荆南節度使江陵尹誤犯

端拱中真宗除授昔政和中已失檢照今因改鎮不敢不  
審兼兩鎮合帶兩牧仍隨本鎮併于實錄中檢故事以進夏  
夜甚短奏入已三鼓至四鼓末今批出只於兩鎮上就本鎮  
止帶一牧某遂擬永興成德軍節度使雍州牧進入項之點  
定然後進草禁中未絕寢以待禁中四鼓乃在外三更

故事食邑千戶以上封侯若拜相雖舊爵卑食邑少亦徑封侯

蓋五等伯子男用縣名至侯則升郡當降旨時未知所封何  
郡第云進封開國侯而已秦丞相薨後初拜沈守約諍左相  
万侯元忠高右相沈爵歸安縣万侯陽武縣各從其鄉既相  
合升郡侯而學士院遂進沈為歸安郡万侯陽武郡初非郡  
名其誤甚矣當時偶不知改久之因進書轉官方能釐正至

今遇恩升郡臣僚院吏及吏部尚復差舛謂如元係吳興縣  
開國伯則合云進封吳興郡開國侯却云吳興郡進封開國  
侯殊無義理予每為正之本六部其亦未詳

北門掌內制西掖掌外制是謂兩制又著令自觀文殿大學士  
至敷文閣待制為侍從官朝廷或詔近臣舉賢議事多云  
兩省諫議大夫以上尚書省侍郎以上而別言御史中丞學  
士待制乃為詳備近世相承通稱侍從固已疑混若沒言兩

制則非矣

紹興二十四年春直學士院湯公思退以禮部侍郎同知共舉

時百官多闕大抵一人兼數職凡進士出身皆入試闈獨留

其監察御史王公綸蓋備折號也內制既闕官遂降旨暫權

適草劉婉儀進位貴妃制以太上稱其有典誥體潤筆殆萬

緡賜研尤奇秦丞相不樂遭論列而去秦薨召還掌內外制

知樞密院事垂相而病除大資政留守金陵即其鄉也未第

時兄弟就食府庠至是公以為榮尋卒官予在兩掖嘗草其

致仕制云少則歌鹿鳴而薦于鄉老則釋麟符而居其里考

昔人而或有在近歲以幾希贈官制云古所謂鄉先生者沒

則祭于社而後世良二千石民亦奉祀之爾於二者蓋兼之

矣皆紀實也

故事正除六曹侍郎及雜學士以上遇辭免皆降詔不允給舍

其并權侍郎則否紹興二十七年六月戶部王侍郎師心辭給

事中亦降不允詔書蓋舊官合答詔也是歲九月權禮部煩

侍郎允中除給事中辭免亦降詔乃誤襲王例非故事也三

十年正月權工部王侍郎晞亮遷夕拜不復降詔得之矣明

年九月權禮部金侍郎安節亦遷夕拜又誤降詔自後往往



無定論院官隨事申明改正為喜入拜入請對請自對出三

紀十平五日錄上略上對明誠系數又林不野劉誠對之六師

對明誠中氣命事申錄亦對明誠考對上附非對事也三

重中亦對不次請書蓋亦對明誠合各對明誠大原以保蘇蘇明誠

淳熙玉堂雜記卷中與二十六年六月十日特主對明誠公錄

必律五創六曹亦明誠又錄明誠士以士也錄明誠對明誠不次錄

矣皆明誠也

慎恭平錄而對明誠身六十日亦明誠之爾亦二皆盡無之

昔人而友亦明誠也

淳熙玉堂雜記卷下周益文忠公集一百七十六

詔報見於金坡遺事元豐三年八月丙申亦詔於尚書省樞密

院用詔報至今守之其制首題學士院詔報尚書省或中書

門下樞密院次入詞云云末云右謹具詔報某省伏候裁旨

後題年月學士押字雖中間權臣用事官失其職獨此不廢

又三省密院於百司例用劄付惟學士院云劄送佗官司得

省劄必前連片紙書所受月日乃敢押字惟學士院徑判押

其首又吏魁有錄事曹某曰房皆稍擬中書尊內庭也

祖宗時內制多避兩府親嫌亦有不許避者蘇文忠公之於弟

文定公是也然終不自安乞郡而去紹興初范元長冲除學士以趙丞相婿家特復置侍讀學士以處之及秦丞相檜當國元梓實為學士子煇繼為學士承旨亦嘗為禮部侍郎雖並緣元祐故事其實非也

國初大為學士官至八坐已罷職或再來直院其神宗改官制後中丞并權六曹尚書若兼內制亦止云直學士院舒亶等是也中興初詹又已為龍圖閣學士猶曰權直院其佗如正侍郎已下多帶兼權汪藻等是也厥後程克俊林待聘楊愿等初以給舍兼權稍久乃落權字以為恩數至正尚書則帶兼權學士胡文修等是也乾道三年洪景廬邁奏請自庶官遷侍從便落權字正兼直院故先以起居即權直院既遷中書舍人即落權字庚寅秋予以少蓬兼權直院明年正除權禮部侍郎吏引近制申明合正為直院予固抑之兼權如故翰長王日嚴曠亦不復問其後王季海淮以太常少卿兼權直院既除三字即徑落權字為定例淳熙五年十二月某日某自翰林遷禮書乃正兼學士蓋上以所兼之官在正官下者皆不帶權非舊例也六年十一月遷吏書又升兼學士承旨且有內批付院云天官事繁今後非特旨撰述其

餘並免

上自登極至今將二十年正除翰苑總七八人皆登二府惟王日嚴以年踰七十除端明殿學士而去

乾道癸巳曾丞相懷鄭叅政聞張樞密說在二府或薦新政官正字崔大雅典詩入內庭以其資淺乃創翰林權直之名月

俸減學士直院三之一

自學士承旨至庶官兼權直院者俸給一等

院中餐錢不

減明年冬以父憂去尋丁母憂戊戌秋服闋復召為密院編修官吏丞相浩當國下史院討論兼職名稱遂改為學士院權直蓋以翰林乃內諸司總名雜專指學士院也

淳熙六年明堂大禮崔大雅已遷著作權直如故糧料止隨其官幫支賜二十疋兩大雅以狀申秘書省省申朝廷趙丞相雄將上取旨遂用月俸例支學士三之二

祖宗試文多在學士院近歲惟試館職耳既得省劄召某人試即下太史局擇日報內侍省差官一員充監門前一日學士宿院進策題俟內批依次早乃引試吏左藏庫錢三十緡充餐錢試畢錄策題并試卷依紹興元年指揮用諮報封送尚書省然後取旨除授中間館職多不試紹興三十年司諫何通遠溥以為言太上欲復故事而人頗憚試首召朱熹載

等次召劉儀鳳等皆辭不就 太上諭湯丞相思退等擇二

人必令試且云蘇軾中制科猶試况餘人乎於是予以及同

年程泰之大昌應詔具宣 上旨乃不敢辭已而 太上欲

除校書郎或謂過江選人無此例止除正字乾道六年九月

予以秘書少監寓直翰苑發策試王仲衡希呂嘗賦詩寄程

同年云當年給札踏金盞重到依然九月寒學士策詢學士

策館職亦合乎秘書官試秘書官自憐綠鬢非前度尚喜青

衫總一般時予寄語浙東程閣老程時為浙東提刑兼權莫

矜紅旆笑儒酸程答詩末句云有底滑稽堪羨處金蓮燭底

話窮酸始予庚辰九月與程同試兩人名皆有太字明年試

蔣芾芮燁姓名俱連草頭又明年試至東里程千里名連里

字鎖歲偶爾亦可書也按 祖宗朝館職者指昭文集賢史

館之職也在內多升脩注出外則為帶職凡轉官奏補息數

卸皆厚故報其選必試而後除亦以限止無能之人自神宗罷

館職正是秘書省官與其佗職事官無異不當尚循館職之

名况况无不試餘人多徑除著作丞即所試者按書正字而

已舊制云試前一日學士宿院故元祐中蘇文忠公與鄧文

惠公溫伯各進策題禁中點用文忠所作及予與程同試時

學士洪景嚴兵部尚書兼權學士楊元老椿亦並入至是予  
 與鄭仲益同直鄭為長官典故浸移乃始輸入不敢強之其  
 後予再直丙申二月召試許蒼舒遂修故事約成无成叙達  
 並入策題則輪撰曾與其知無事曾無異不當由前制題之

陰與初始上用真宗故事輪講造學士院官直宿禁林每又  
 兩身以備宣引咨訪往往賜酒留款其後以兩人難留召若  
 同召則議論難盡止命一員遞宿自後益違其選或國忌  
 妨行香若有故員少及夫暑皆權免間遇除授宣鎖講造官  
 已入直學聞命蒼黃而出至有不及伺候使借馬於內諸  
 司者或偶值本院官直宿就留鎖院若大除拜當有錫賜則

不繁當日與否往往時宣云

每直兩日謂之頭直末直

入世亦三時限

紹興辛巳明堂禮成以元顏亮背盟十月四日詔今次明堂大  
 禮合加息臣僚權宜不鎖院不宣麻止降制給告並免辭免  
 候事定日依舊隆興二年邊事改卜郊乾道三年冬雷罷二  
 相皆未暇舉行乾道六年某始奏復舊制不復宣不出即命  
 內制名色不一俾直時或未詳其體式故凡詞頭之小者院吏  
 必以片紙錄舊作於前謂之屏風兒予嘗跋王岐公蘇文定  
 公詔草及謝表備言之至今不廢蓋其未久矣國初陶穀謂

一生依本畫葫蘆殆謂是耶  
凡鎖院或親被旨或受熟狀本院即閉閣門今日某日有鎖  
院事閣門得之即閉報御史臺集文臣職事官承務郎釐務  
官通直郎以上明日赴文德殿聽麻宰相樞密皆不往惟輪  
叅知政事一身押麻卷自內出閣門啟御封兩吏對展  
宣贊舍人南面揖笏叉手大聲擗首尾詞及階位姓名下數  
語并所除之官而讀之不盡宣也聽訖知閣門官以授叅政  
叅政付中書吏百官不拜而退若大詔令及冊後之類則宰  
執文武百僚俱入文亦盡讀拜舞然後退

禁中以鎖院為重淳熙三年慶壽赦凡降麻官合加恩者用

辛巳明堂例免鎖院宣制仍勿辭免九月三日中書進熟狀

魏王愷恩平郡王璩永陽郡王居廣並加食邑實食封只乞

降付院草制內夫人失於詳閱宣鎖程直院是夜進草明日

告廷如式又明日內批付密院典字直筆吳慶慶降充紫霞

帔不令供職主管大內公事慶國淑懿夫人劉從信降兩字

夫人蓋懲其誤也

凡非時宣召院官侍從已下及外紫窄衫絢行入殿廊有小

黃門來導至便坐上服紅半臂忌前黃門贊拜揖升殿奏對

訖上曰且坐先已設小兀子得旨則側身虛揖而坐將退黃門贊云宣坐賜茶於是中官進御前者忠佐授臣僚者賜酒亦然所用盃不同侑以果實一釘其器分大小若二府則黃門雙導上亦服窄衫宰相樞使坐高兀子執政紫團坐而低賜茶酒亦如之或曲宴則酒五行亦或加多每盃賜食初無定制

中興後凡除拜節鉞以上多由中書進熟狀院吏云鎖中左者文臣也右選者武臣也逐房臨時呼院吏取索是以知之惟草后犯太子宰相麻則不容知快行數十輩來宣召云鎖小殿子既至便殿上服帽帶諭以除授之意御前列金罇如硯匣壓尺筆格糊版水滴之屬幾二百兩既書除目隨以賜之隆興初猶用此例乾道以後止設常筆硯而已退則有旨打造不及例賜牌子金百兩立后升儲倍之

凡除拜加恩官在都下者既宣麻而院吏私錄本走報希覲贈遺初無公移也而被受之官辭免者多云準學士院報麻除授云云此非典故不應相承以為例  
獎諭臣僚或降詔或勅書院中自有定式近歲如大理獄空及監司守臣有勞績若是庶僚皆合降勅書三省樞密院往往

誤批降詔院吏隨所得旨而行不敢正也

翰苑印以翰林學士院印六字為文背鐫景德二年少府監鑄上兩字側刻自南渡京百印司無此久者尚書六曹惟禮部印是舊物然亦元豐改官制後所鑄蓋文書稍簡故不利耳紹興辛巳五月詔學士院權寓皇城司而以院為

殿終制復舊

學士院舊號北門今在行宮和寧門內蓋沿北門之制地道皇城極為窄隘汪尚書應辰兼權學士時上屢令增葺竟以無地步而輟廳後即堂緣近歲院官止二員故分東西兩閣中

有小龜頭榜曰摛文堂蓋在京

徽宗因廣直廬御書以賜

強承旨淵明今乃汪彥章內翰藻所篆

太上又嘗書玉堂

二字賜學士周茂振麟之刻石廳上

東閣窻下麓小池久無雨則涸傍植金沙月桂之屬又有海棠

郁李玉繡毬各一株西偏植金橘逼城根株不能大花開時

香滿院結實雖小而甘浙中未易得也淳熙己亥夏侍講兵

部尚書兼給事中王仲衡入直示兩絕句云玉堂晝永暑風

微蕪蕪飛花落小池徒倚幽欄憑問訊夏鶯飛出萬年枝小

池倒影弄餘輝照輝虛簷極出奇木杪不鳴風力軟闌萍飜



藻有魚嬉予次韻云東省南宮切大微夔龍行集鳳凰池更  
哦殿閣薰風句坐覺微涼生桂枝紫禁同依日月揮蒼顏獨  
愧羽毛奇水如明鏡雖堪俯笑汝星星誰肯嬉予嘗發策試  
仲衡至是同為八坐俱在講筵唱酬頗多是詩及院中景物  
故記於此

朝殿日皇太子宰相親王使相叅政各有朱衣吏二人自下

馬處前導至殿門

樞密使恩教依宰臣者同若知院及副樞簽書則紫衣

此外惟翰林

學士有之又禁門內許以茶鑰檐子自隨與執政事等

車駕將出孟享或過宮則應奉官及侍從以上朝于後殿宰執

有奏事侍從先退例過玉堂少憩若值冬至元正則團拜堂

上俟駕過就院門外上馬以從

南渡以來朝臣過節序賜予多權停今經筵寒食重五冬至尚

賜節料錢酒其佗侍從則三大節客省簽賜羊酒米麪而學

士院官若侍從以上無領自使本官或庶僚權直院獨三伏

賜冰一檐時果五品品統一楪亦因與經筵官輪宿而得之

書局有中官承受凡遇時節則賜茶酒學士院無承受故也

淳熙乙未初伏某以待制侍

講賜流香酒四斗

後二年減半

時果七楪冰一檐視庶官直院為

稍增以短表謝文快行家食錢三千又折酒錢三百別賜冰

一擔

翰林司閔子云限日下支不許次日

支食錢一千蓋侍從所得者

十月旦賜錦襖子學士觀察使簇四金鵬尚書執政八搭暈錦  
宰臣使相天下樂例從左帑帑支得不以時臨期隨品色假  
為領袖施之朝服三日而止識者非之予自翰苑遷八坐已  
亥十月值從駕恭謝景靈宮兵部尚書王仲衡未達朝儀第  
用帝錦子告之故計無所出予輟所服與之而馳取舊金鵬  
者自用暨追班閣門吏魁趙軫與其徒顧予評語予悟其意  
呼而告以雜班尚書猶兼翰林學士故可捨高從卑軫等愧  
謝而退

渡江後每遇開講罷講臨安治具侍講讀修注官紹興三十二  
年冬予為左史趙清卿子瀟知臨安初獻議盡罷百司饋送  
及所供飲饌時洪景嚴以內翰兼侍讀開講日學士院自置  
酒五行是後遂為例乾道六年予與鄭仲益兼直院鄭兼侍  
講是秋開講鄭主席謂予亦院官當與其事予但簽書招客  
教之目而以不兼講讀不赴坐時胡邦衡銓以工侍兼侍講坐  
中賦覃字韻詩見及予次其韻有去寓直敢同東道主蓋謂  
是也

翰林學士初上舊制勅設甚盛中興後不復舉行予直院時

除王日嚴為學士院中支餐錢具五杯而已  
故事大宴未再坐間學士院常為館閣官具食蓋  
祖宗時內  
外制官無不自三館出館中之人往往前日僚友之舊道義  
之交不專以勢利高下為心故每於是日小集徒容談笑也  
近時其食雖如故乃設於學士院門幕次內蓋未嘗見玉堂  
主人也竊意前輩不爾淳化中太宗以飛白玉堂等四字  
賜翰林而學士承旨蘇易簡會兩制於玉堂直秘閣潘謹脩  
與焉略可見也已上乃近世程致道俱麟臺故事所記乾道  
七年五月天申節貴院賜齋筵予時以少蓬燕內直乃督院吏  
治具吏白厨庫乏錢燕近已不講予曰故事既難費况予身  
貳秘書而罷此禮乎命如故例然不過盤飧之類爾

某久在翰苑獨負之日常多率數月輒丐去上必批降詔不

允院吏申省乞時暫差官撰述乃委中書舍人如此再三遂

為定例徑封奏劄付中書後省

數年來上教令薦詞臣為代明示大用意某每退避戊戌九

月丁丑御藥院傳旨問近例院官有無三負者吏具上初

政承旨洪遵學士史浩直院劉珙又問紹興間故事吏復具

八年曾開內龍如淵皆為直院而召孫近承旨三十一年何

溥為學士而虞允文劉珙並直院後旬餘崔大雅服闋還朝

上曰卿來適其時遂再兼權直十月復增莫子齊濟尋卒其

後繼增趙大本房中熊子復克予遂然預具書更其為上

珠平表不王殊今無所可為以足示大用息其憂也

淳熙玉堂雜記卷下廿九書對前院門卷下廿九書對前院門

其某試館職時兼太子少師兼太子少傅兼太子少保兼太子少

太子稱其文諭宰執陳公康伯朱公傳云它日令掌制

今上受禪兩月自六察擢左史初對曰玉音云向在玉即見

卿詞科擬制雅宜代言不旋踵遂兼三字其後兩入翰苑首

尾十年自權直院至學士承旨皆徧為之其荷

兩朝知遇至矣歲月既久凡涉典故及見聞可紀者輒筆之

淳熙庚子進位二府蘇易簡玉堂之思每切於中因命小子

綸哀為編略加訂正其間多涉幾微非止溫水或刪或留僅

得五十餘條前後晁錄乳無詮次釐為三卷或可附洪氏翰

苑群書之後云壬寅八月十二日周某題

苑群書之後云壬寅八月十二日周某題

...

...

...

...

...

...

...

...

...



